

氣者有之乎。徇弓之義而闢於墻者有之。視朱氏之風不大有
可愧也。耶。孔子有曰：惟孝友于兄弟，是亦爲政。政者正也。由孝
友而施於一家，固正也。推之一鄉，而一鄉之人咸同聲而相應
推之一邑，而一邑之人咸同氣而相求。上不令僉之爲保正
下而閭巷敬之爲淳厚，自身而家自家，而鄉自鄉而達之

邑固此雍睦之風而充擴之也。視古之棠樣之賦、荆花之咏，而
亦有媿羨者乎。雖然，靡不有初，鮮克有終。夫旣孝友而雍睦於
是，續先人之緒於不怠，卽子道之幹，父用譽也。垂後昆之訓於
匪懈，卽父道之創業垂統也。自一世而至于萬世，猶是也。苟或
枝葉茂而遽忘其本根，山泉出而遂塞其源流，此豈朱子之所
爲哉。豈吾所屬望於朱氏者哉。翁其勉之，益敦其所好，以爲一
邦之倡，何如哉。余弟文芳、朱氏姻家也，聞之熟矣。吾固慕其雍

睦之純而慶之也故爲序以贈之

萬曆乙酉孟春之吉

思南府經歷繡川眷生陳文純拜撰

○慶梅溪琦百七十六蘭谷朱先生六秩叙

予叨青瑣日侍經筵再膺制命有年矣恭惟我

聖天子明睿達聰允惓惓然耆德碩行者爲○國慶予屬望于天

下甚慙也求其德誼茂隆者不多見於天下余宗兄諱汀字伯

芳別號蘭谷乃浙東婺烏鉅族也世居東朱梅溪里其先有諱

元龍者登宋嘉定進士第積階左司郎官

且著名芳昭青

瑣予愧貂其後君秉心正大立志誠恪毅

爲粹然有守且

不慙刻而和厚可親不險譎而易直可即嚴中肅外莊敬何裕

如也收斂節制禮讓何恪恭也孝於親睦於族循循雅飭卑以

自牧輯祠宇而新夫祖德纂譜牒而敦尚親誼其尊祖敬宗之

意尤加謹焉○邑侯歐陽公訪其賢僉爲保正公平正直上信而下服繼而

聖天子憫民瘼之熾墾清丈之詔厘夙弊之愆鄉耆評直僉以君

報○邑侯范公知君幹理優長委董其事

以敏確公勤勞靡

忒歷郊履畝井井有乘法委任青成悉心

纖不敢私歷再

襪而事竣侯嘉其行誼錫扁榮褒鄉戚咸器重之君之制事當

可每爲上才所優異厥配昭仁許氏有淑行繼配吳氏溫柔坤

順內相夫子育五丈夫長良楨次良梅良梓良榛許出幼良栢

吳出女諱玉許出適蘇州吳松所守備倍磊陳九霄君積德厥

躬壽履耳順屆甲申季冬一日其懸弧辰也君花甲始週上壽

顯膺不惟壽裕其年將以壽裕夫國也有是德而獲是壽允其

宜矣君因余言而勗諸他日賢有司刻請大廷蒲輪榮載之聘

端不靳也余樂觀其美謹叙言以爲君賀

明萬曆甲申季冬吉日

賜進士第翰林大學士禮部侍郎

山陰宗生朱賡撰

侍生陸夢星仝贈

○贈汝敬表兄七旬叙

行琳三百八十三

竊聞聖王御世褒崇耆德以勵風俗每歲下

詔勅藩臣令省府州縣舉行鄉飲燕禮朝廷之尊高年敬有德者

意深遠也典實隆重自非年高德邵迥拔

曷易克副

聖上意哉予邑孝烏義甲他縣俗多淳龐人

風善良之化熏

而成德世家大族上臺限於數而不獲叨份賓膺側席者不可

枚舉邑之東北鄉盤溪朱氏族亦廣矣若宋左司元龍公之裔

孫有諱宗簡字汝敬者卽予之表兄也其人素行懿德尤爲伊

族之翹楚今歲上章敦牂之月迺其懸弧辰也歲週古稀堂開
壽燕姻朋會集或携觴獻章各申祝頌弟也素叨情誼不啻同
胞愧無黃絹幼婦之文章用讚絳縣老人之甲子豈耳目所素
習者安敢不據實而樂道之吾兄生平孝於家庭忠誠孚
於宗族急賦稅以奉公義儉自奉而豐賓宗親則督修譜

牒憫病涉則重建徒枉恤孤憐貧每懷立達之心解紛息爭咸
服公直之剖訓于若弟循守禮法貸借于人不尅其償尤有古
人焚券之風種種德行皆可以受天眷而獲遐齡者理固然耳
豈易得之倖邀歟人謂黃白丹沙之術迺可長生吾謂積德累
仁之家自然多筭吾兄上賴賢祖賢父世世修德降及爾躬代
有多壽松泉公年七十有六繼泉翁亦七十有六今兄壽又臻
七旬祖孫父子三代相繼古稀之壽萃於一門蓋人所不可必

得者今且爲一家得之此非人之所能爲也大也亦非天之所
能爲也德也孔子云仁者壽有德者必得其壽仁德之人其壽
之可必也豈其然乎矍鑠哉况之壽且未有艾矣拭目受天朝
之寵膺沐冠帶之恩榮亦預可知也今且髮齒未衰精神愈旺
自此而八十九十百歲且馴至矣予非榆揚之巨筆少抒俚言
恭伸燕賀謹叙

明天啟甲午仲夏之吉

春第庠生陳文美頓首拜撰

盛四百三十三葛氏節壽序

余嘗閱婦女傳至節行之科而竊嘆青年守志白首完貞之難也一枕清風伴明月歷盡恓惶半床寒衾照孤燈備嘗艱苦自非百練真鋼未可輕易道此吾於朱母宜

月深羨焉以彼適

自朱門孝事舅姑敬相夫子賢聲固早著

且鸞臺破鏡雁

陳離群爾時寢食俱廢每欲捐軀以殉既而還顧所生遂慨然以栢舟自誓守不二之天質堅金石矢靡他之志操勵冰霜痛先靈而終身淡素何知人世內有紛華念姒續而朝夕勤劬頓忘天地間之寒暑迄於今週花甲者已越餘年矣而老幹扶踈新枝昌茂光閭里耀門庭斯誠真鋼百練不可磨折者也於以流芳百世垂裕千秋如朱母葛氏詎不難哉是爲序

峇

雍正歲次乙巳孟夏月之吉

生明邑廩生樓

深原一氏拜撰

盛四百三十三葛氏孺人六秩榮壽序

竊惟兩儀判於一氣坤道以成五德協乎三從仁者則壽予嘗
赴鄉舉輒過廿三里見其水遶山環峯廻谷轉意其中必有躡
足風雲待龍麗之感召者否則有守貞松一岡陵之遐筭者
欲登其堂以訪其人而不可得徘徊其地之及予客梅溪
有朱子禹濬者語予曰哲之族與縣比之廿三里同出於西門
之派而係青瑣府君之後也有族兄字麟生諱允吉伊弟字善
生諱允喜者家焉兄也行誼端方弟也才能卓絕殆古所謂難
兄難弟者歟抑非獨兄弟之賢也其母之賢實甚母氏生於名
族嫺婉婉之訓長抱惠淑之姿及笄適伯父家舉案齊眉方之
少君不是過云未幾伯父捐館母乃堅栢舟之誓嘗熊丸之苦
撫二子以長以教俾至成人庭前機杼燈下詩書其諄諄於立

身之本成家之道蓋夜分言之嘗至於鷄鳴達旦焉故凡其昆
季之賢皆由其母有以成之也孫男五人英英玉立不啻荀龍
薜鳳也曾孫男六人岐嶷秀發一皆桂茁蘭芽也嚴以治家閨
闈敬其有禮儉而能節鄉閭稱其能仁其賢洵未易更僕數也
今年六十郡邑使聞而嘉之給扁以旌曰柏節松齡不肖哲忝
在猶子獻頌闕如願先生出一言爲母氏壽予謝曰輝不敏奚
能爲賢母揄揚萬一耶雖然竊聞之根厚者枝茂源遠者流長
易有云安貞之吉應地無疆積善之家必餘慶如子所述
益信向之過其地而意之者爲不謬矣方

聖天子重倫教

特下明詔褒旌淑德如母之賢行將旌其事以表其閭爲青瑣
公光寵豈特區七榮一閭誇一鄉哉而由是而中壽而上壽益
斯麟趾慶衍無窮皆其可操券而得者予不佞不勝趨跣願進

鑿宜之頌云

西門之居慶行於北天鍾其靈以生淑德淑德繁何孝敬惠
和式如金玉儼若山河梁鴻雖逝孟光不磨瓊樹兩枝澤以
書詩聲蜚閭里譽溢交圻倚歎是母閨 一儀六甲巳週兩
鬢未絲童顏鶴骨瑤島之姿奉觴稱祝 孫兒爾壽而康
爾熾而昌名賢之後於焉有光

峕

雍正元年歲在癸卯季冬之吉

吳寧春侍教生蔣文輝頓首拜撰

盛三百四十九王氏安人賢淑序

嘗觀史書所載賢淑婦人堪爲母儀婦則者如孟母之三遷歐
母之盡荻長孫夫人之孝事姑嫜孟德耀之齊眉舉案先後著
稱代嘖七人口今朱君一庠之配安人王 嫻內則長課婦
功及嬪朱君鷄鳴櫛沐敬事舅姑解佩 以佐夫子和妯娌
恤孤寡族黨之間莫不稱賢迨朱君逝世相舟自矢勤紡績理
家政慈撫諸兒訓以義方長爲授室俱出名門長君允光知大
體存綱常凡族中有公事挺身而前不恤羸餘作事有方待
人以信其操理家務克勤克儉產業日饒次允賢次允瑞幼
允哲俱聰明敏達儀度俊雅謹飭端厚皆安人之垂裕而教育
之有方也余也屬在戚末嘗登其堂聞門靜肅不聞咲語之聲
入其庭母慈子孝兄友弟恭雍七肅七懿德所垂其克昌厥後

西門外氏書何氏詩卷之六
知未有艾以視古之賢母實堪踵美爰表之家乘以侍採風者
載入彤史云

峇

雍正歲在乙巳季夏之吉

同里邑庠愚表弟孫 猷拜撰

行狀 盛四百四十一 金氏安人賢淑序

安人金氏係稠源公孫女也幼篤姆訓笄適朱門岳父鳳文翁
兼之秉性誠樸立身勤儉成家安人之德適與翁相稱其事公姑
也孝謹其相夫子也柔正其接妯娌也和 平丈夫子二人務
讀與耕女士四人閨範優能逮至中年兒 冠身守孀節玉
凜冰清家事蝟集隻身肩任此皆其才節之可法而可傳者也
且其自奉非約施濟彌普所尤難者康熙己亥舉邑大荒連年
四幕捐賑辛丑癸卯周主捐賑兩次安人忻然樂助愛之者或
慮其力有不足安人則云吾家口猶可勤苦度生痛窮民嗷也
無由援賑乃毅然借貸銀兩價米千觔捐賑羸瘠功德宏深此
非其恩澤之及人而共見者乎所由嗣後一夜盜發門窻盡啟
安人以一人聲喝四散秋毫無失甚至家人犯火燒焚帷帳安

人以一身禱祝旋熄棟宇如故說者謂此皆安人積德好施天
佑神助不爽之報理固然乎今將壽周甲子家嗣成才季男業
儒孫男女濟上安人則謂河清可待人壽無几歷盡艱辛茲應
息肩矣爰舉家事悉付兒媳長齋自修研究元理竟日競亡無
惰吝寡言笑蓋年彌高而德彌邵焉自幼至髦無非盡人事以
契天心循禮義以全婦道一青藜指萬善畢集餘年之慶寧
有艾乎生誼半子聞修家乘舉其大畧尚嫌掛漏非同無稽之
讚揚竊俟有心之採錄云爾

世皆贊其休夫于世宗五其封故賦

雍正歲在乙巳姑洗月

安人金氏結麻所公烈女也故諱子婿蔣臨治頓首百拜撰

益四自四十一金氏夫人翟球序

行狀

○桂七十一處士行述

處士諱永襟字元服桂行七十一宋進士左司元龍公十二世孫也淵源具載譜牒甚詳茲不復贅曾大穆大父諱炊父諱瑜母金氏公德性柔嘉言貌質實修六行律已謹四維以範子姓克勤克儉力本務農事親供爲子職而款賓則未嘗不厚人有非禮相加或以情怨或以理遣故其與物而無所忤也世多競爲封殖之計公獨安於世業之所入恬澹冲素奪志繼述凡祖父所遺一草一木亦不妄折此其孝之足徵者也處里族解紛釋爭致鮮公庭之訟而雍睦之風又足徵矣持已以廉奉先以孝處衆以和萃此衆善誠一鄉之善士也距生於弘治戊申十月初十日寅時卒於嘉靖甲子四月初五日卯時享年

七十有七娶傅氏生弘治丙辰十二月十七日未時卒嘉靖己未十月廿八日巳時合葬於上谷坟山祖墓之側子男四人世隆世灑世澤世忠女一適在城繡川陳陽孫男十六人良鸞良朋良卿良心良知良勤良儉良臣良民良謀良能良言良訓良彌良度良評孫女八人一適山口成世涓一適赤岸馮夢祥一適環溪王九州一適前王劉大恩一適劉道玉一適劉道全一適柏峯楊廷茂一適青口王子龍余本匪材不足以揚公之盛德忝居同里知公之素行詳而且悉姑述其槩而叙其大畧云

萬曆甲申季夏之吉

○封公

休沐

○琦四百四十翁行畧

琦四百四十府君即智百世五公之冢子公諱邦紀字維肅係宋進士左司郎元龍公之後裔也予生也晚未獲親炙外祖之懿矩然竊聞母氏之訓謂公溫良敦樸孝友

樂善好施不遺

餘力克勤克儉積德以貽燕翼迄今登其

見舅氏皆克承

外祖之志以成其德而予之母氏亦得以沐其餘徽而延及於予然其靈籬世毓彩鳳挺生正未有艾於是敢爲一言以慨慕之曰猗歟我公秉德謙冲寬以處世嚴以持躬孝不匱而悌克暢乎友恭坦七然循分以守已雍七乎睦族而和宗弗務名以欺世弗畸行以戾俗視華靡如浮雲豈徇世而阿容最所急者

綱常之名理所緩者世路之紛營夫是以行彌高而德彌崇德

彌崇而慶彌窮噫吾有以知其後嗣之必昌奕世之興隆因承

母氏之訓而今得約畧其行踪

康熙三十年歲次辛未暮春之吉吳寧外孫郡庠生徐璧甫拜撰

○勝百八紹川朱公行狀

嘗聞豪傑之士無待猶興一德之交不薦亦孚此乃侗儻非常
所稱賢豪間者耶吾翁幹父之蠱而堂構聿新崛起草野而寵
命再膺夫豈碌七無聞而同腐草木者乎是不可無狀以誌不
朽謹按翁行勝百八府君諱大慶字聘之別號紹川世居梅溪
之里乃宋左司郎元龍公之十八世孫也琦廿八公父琳
四十五處士母胡氏翁年幼失怙賴家兄十六公義重棠
棣撫育成人比長奏職京都任四川成都府綿州吏目屢操淳
良不事酷虐漸民以仁摩民以義民有爭訟片言折之間或以
賄遺者卽以四知對耿耿清介其又何遜古之廉吏乎及考其

居鄉也恬雅醇厚仁慈端方粹盎之容光霽之度殆隱也照人
眉宇間且接人待物一於誠敬毫不苟合阿迎以求合於世所
交游者盡以道義交信無宿諾確乎有先賢風處宗族分別尊
卑雖三尺之童亦不假借鄉曲有爭競必喻有不順猶以
情怨坦也氣槩人莫不欽服焉至於處與之必度義之可否
則一介不取之操亦從可知矣若夫事親孝奉祭時處昆弟雍
雍睦睦自髫齡至皓首無間言子姪撫之以慈如春之溫藹然
可掬此又翁之彰彰尤著者而德行如此豈非人類翹然特出
者歟翁生於隆慶壬申三月廿二日亥時卒於崇禎戊寅正月
廿七日寅時享齡六十有七娶邢氏中饋無忝蘋蘩有賴誠一
族之母儀也生一女適沈煥庶出一子名一潮繼娶施氏終溫
且惠有鷄鳴警戒之風焉生二女長適東陽洪塘郭景坊次即

適彥也彥始總角未覲翁儀及翁遊京都而聞訃焉常涕泣感
嘆不獲親奉顏範為恨迨長拜遺像因詢翁之履歷幸舅名一
清者詳悉其生平命余作狀余愧鄙陋有忝斯任但翁之行誼
學上何忍湮沒無傳故竭愚誠約叙其梗槩以銘翁之不朽

時

順治十年歲次癸巳孟夏之吉 邑庠生子婿丁彥百拜撰

姪一清

男一潮仝梓

事雖三火之帝亦不...

安世...

...

...

○勝三百四十八府君行狀

公諱文貞字朝忠係琳二百八十六公之四子也其為人稟性
質樸治生有道奉嚴慈朝夕定省睦族里淳厚揖讓延師課子
講孝敦仁聞一善言即便咏吟見有敗類一痛恨若剝其膚
也其與人未嘗輕發一語其應事也未嘗一一行或時有所
積輒時有所施無德容亦無倦志故無賢不肖皆景仰焉嗣後
甲寅遭變咸引領相告公獨曰不可妄舉享年五十有餘妻陳
氏子四長一炳次一炯三一煜幼一燧孫男三允恭允燕允旗
孫女二長適六都孫次適六都駱今後葉蕃七非公之戩穀曷
克臻此余忝姻誼聊陳其槩是爲狀

時

康熙三十年歲次辛未蒲月之吉 鄉進士眷弟趙承錦拜撰

○益百三九府君惠甫公行畧

吾邑山之北有孝子嶺焉崗陵繡錯澗水潺湲歷代多隱君子
處於其間而其下比屋而居左右環列者皆宋進士左司郎朱
公諱元龍者之苗裔也公之裔由來盛矣而遷居於此地者類
皆能守前人之家法以光大其後嗣然求其以正道自持足以
砥廉隅礪風俗如惠甫翁者蓋亦有足多者焉翁生而敦敏幼
習儒業設以之問世而取功名邀青紫如拾芥耳乃遭時不偶
值明季之亂兵燹相尋遂退隱山林本道義自守悅親戚之
情話或時而登高舒嘯或時而臨清賦詩而與山農野老
賞玩烟霞或時而與騷人逸士坐談風月慨然有隱君子風焉
以至於族內事有不平者則不憚力爲排難以抒其公忿鄰里
鄉黨有貧乏者則不惜已財以與濟其急以扶其困其或有非

義相干非禮相賣者即甚有利於已亦不屑與之一顧是豈非
以正道自持為足以砥廉隅風俗者乎雖然翁之德盛矣而
翁之安人王氏內德賢淑瑞洽螽麟厥子有三長曰元錦次曰
元鋒幼曰元鍾悉皆勤儉謹朴恂七乎忠亦惻誠足以守前
人之家法而大其厥嗣者也迄今家道豐贍昌俾熾桂子蘭
孫濟濟一堂人謂翁之福有以貽之吾謂翁之德有以致之而
翁之嗣又世世足以繼之也是為識亦其亦其亦其亦
康熙二十九年歲次庚午仲冬之吉年家眷弟趙承錦拜撰
其狀○盛二百八十四君朋翁行畧今其狀○

世之論人者以名重乎以實重乎莫不曰實重然而實重矣乃
何以適遇夫高爵厚祿聲稱赫七者莫不愛之敬之而操行以
獨善隱居而守正者每至棲遲山谷未嘗有過而問焉者豈得

謂之實重乎哉雖然世亦有匹夫而化鄉人守已而足以善世者豈以其名哉亦其實之足重也吾邑六十七都朱氏蓋宋進士左司郎元龍公之後裔也而其族適有譜牒之修余常遊歷其地聆其族中語曰譜牒之修所以彰今時而耀來茲者也莫爲之前雖莢弗傳莫爲之著雖盛弗彰吾族有君朋翁譜永紬者原爲良進公之子娶田氏生一子行有足風煩先生識其畧乎旣而道其畧曰維彼君朋世有令德謙以居躬醇以守嘿勤以治事儉以養德柔而不懦剛而不迫手執一璧足履繩墨不奇行以駭俗不驚名以震物不阿諛以從狗私以求得曰孝曰悌取之維則曰公曰義循之恐失噫微斯人之懿矩孰能如是其不忒余曰有是哉是誠足以化鄉人而風斯世者也於是詢之族黨問之鄉人稱之仁人君子莫不曰善善之者非善

其名也善其實也亦非善其實也善其有是實而被斯名非以
有是名而忘其實也要之名耶實耶吾不敢知也亦惟就斯人
之善之者而為之筆之於譜也云爾

康熙二十九年歲次庚午臘月之吉

弟李珍拜撰

○倫百五子盛翁行畧

粵稽先王以六行教天下曰孝友睦婣任恤而世之能備其德
者往七難之惟盤溪朱氏子盛翁誠有無忝名教者矣翁為瑞
邠公之長子諱允隆字子盛其幼事雙親能服勞奉養靡所不
至其昆季二人又能克盡孔懷之義初不以家財產業畧相爭
執其篤於天倫如此至於親戚故舊與夫宗族閭黨之人無不
出其心之至誠而與之相親相愛非所謂克修婣睦者乎然天
下之人大抵正直者小婉曲忠厚者鮮才畧其勢然也乃翁之

處於鄉黨也遇公舉則倡義以獨先處爭忿則排難以解息柔
不茹而剛不吐強不畏而弱不侮非所謂才足以任事而德足
以愛人者乎是誠所謂無忝乎先王六行之教而皎々出塵者
也翁亦人傑矣哉雖然吾聞有盛德者必享厚報翁旣以孝悌
忠信自處而天又爲之度其心使之保務以整其俗吾嘗過其
地訪其里居見夫流泉夕陽土之沃也斯于南山居之美也而
且馬鬣牛眠其先人墳墓之所在也迨夫入其室揖其母氏見
其皤々黃髮旣壽而且康也旣見其子森々然覺其彬彬有禮
若聰而且明也余曰曷爲而能若此耶僉云室人虞氏孝以
事姑慈以愛子而足與翁以相匹也而要皆翁之行足以致之
也翁之克昌厥後者吾知其莫可尙矣是爲畧

康熙歲次庚午臘月之吉

通家眷弟邑庠生駱弘援拜撰

純生翁行實

傳曰君子樂與人爲善善不必其在大也即一邑一鄉之中凡有一行之可師一長之足錄者未嘗不從而贊之嘆之褒闡而揚厲之以勸善也以示其子孫與鄉人之愛慕而效法也余族弟有純生翁者少余二歲未弱冠即與余交勸之肆力於學以身單母寡辭及觀其處世以謙居身以儉力於田勤於圃又嘗樵於高山大谷之巔曰以溫飽之子有是七真善於治生者然至其早晚晤言未嘗有一刻不以其母爲念也甲寅春耿賊逆命地方騷擾繼而官兵去住軍役煩興而里胥保戶又復借此以肥私崇翁雖刻自勤苦而借貸倍償家業已索然矣不得已別其母遊京師爲勲舊家典理財舖勲舊家甚器重之三五年得數百金雖家問時常往來翁已抽身回南矣取贖川

西門外此重何身高名之三三
產爲家計者畧備輒慨然曰吾力耕此地以養其母足矣母
以京都之易於得錢也復勸之行且命之曰吾身尚健決無慮
也翁不得已又行數年間聞所取之田又費乃愀然曰我在京
賺一分何如在家省一分且吾有老母何以錢爲遂刻日南旋
侍其母十餘年母乃卒甚矣翁之知有母也力耕以事母也往
京以資母也甫得錢而遽歸其心无倦亡於母也余乃知翁少
之無刻不念母者始終不衰也翁歸後家日益豐世事亦日益
練達地方有爭訟咸賴翁爲調處之又待子系極嚴厲一切放
蕩寬忿之習一家莫之敢蹈者以長孫茂
明慧使之習舉
子業余教之成篇五六年矣今雖未採芹不日自能成翁之志
也然人之稱翁者不過謂其能言也善排難解紛也作事有力
量教子孫有大志也至其一生之所以倦亡於老母者不獨外

人無以知之卽其子若孫席溫飽亦不過曰吾祖吾父能作家
而已能爲我貽有田宅而已而其惟知有母之念其足以見取
乎君子者夫孰從而知之哉余故不敢以衆人之言爲言也而
於其長子允錫之請行實之序於余也而行之大者以告之
使其子孫與鄉人知所愛慕而效法焉仲世系婚娶子女
孫曾槩詳譜牒不具論

峕

雍正三年歲在乙巳蕤賓月朔日之吉

邑貢生侯選儒學教諭末兄士珽頓首拜撰

三平氣... 實... 日... 吉

出

滋會... 精... 不... 倫

於其... 人... 而... 效... 新

純其... 道... 精... 不... 倫

平... 大... 而... 映... 不... 如... 日

而... 日... 滋... 非... 胡... 亦... 田... 子... 而... 思... 其... 新... 映... 亦... 世... 之... 念... 地... 又... 思... 見... 州

人... 燕... 以... 映... 文... 明... 此... 之... 不... 可... 只... 言... 事... 下... 之... 處... 于... 皆... 既... 善... 父... 道... 亦... 奉

公美朱翁處士行畧

人生於世詎必印纁七綬若七始足以誇宗黨而光閭里哉而
守德義持大節則天爵具而何人爵之足言余舅翁諱一緒字
公美者氣質清純踐履深厚敦倫修紀睦 丁恕親戚頻來不
計斗酒以言歡賓朋輻輳惟存道義以相 其操則冰清而
玉潔其趣則霽月而光風不逐七於名不營七於利或披圖史
或事田疇優哉游哉聊以自樂洵聖代之逸民而今世之高士
也夫厚於德者必長於才人以事叩翁則育有智珠數語之間
察剖決是非如燭照而龜卜排難解紛有仲連之風遇公務侃侃
無所諱族中大小事無不稟命而商酌翁則善風迎人不以賢
智而自矜以視王彦方之居鄉豈有異歟內君葉氏孝恭貞靜
足爲閭族姆儀生二男長允鑑明大義克肩父任幼允信年穉

岐嶷不凡聰穎拔萃吾卜其後日必能光大其門閭今朱氏修

葺家乘畧為序其梗槩以為後嗣之觀感云

惟岩嶺效中大小事無不稟命而商罔餘限善風豈人不以實

雍正歲在乙巳姑洗月...世世維維係在斯與文風遐公蘇琳琳

事夫乳飲辦味必身於下邑庠生愚甥婿孫亦獻頓首拜撰

姓事田制憂結秋時以自繼亦望升之感久而今世之高士

至然其誠懼靈凡而光風不遂也外亦不替也然味如蜂圖史

情長而以其精實照神神神神神神神神神神神神神神神神

公羨羨羨羨羨羨羨羨羨羨羨羨羨羨羨羨羨羨羨羨羨羨羨羨

守餘羨羨大積限天覆具而何人謂之凡

人主然世時必自燥也餘羨羨羨羨羨羨羨羨羨羨羨羨羨羨

公羨羨羨羨羨羨羨羨羨羨羨羨羨羨羨羨羨羨羨羨羨羨羨羨

于韜翁行實

今夫厚德之人資性純疑品行端方與夫恃勢逐名奔走趨慕而假托大度者迥然自別余姻丈諱允武字子驛者孝友性成謙和處世以仁存心以義制事家殷盈不而驕人心明敏不以才而傲物青山綠水之外有以自樂桑麻稼穡之中隨遇而安耕牽甯戚犢家牧梁鴻豕庭植陶生之柳園種邵子之瓜無慮無憂清有餘閒不飲非禮之酒不取非義之財人以事實至誠勸諭遇公務挺身而前如修宗祠葺族譜悉爲倡助兩值饑荒皆捐未濟賑姓名上達督撫府縣具有旌獎鄉黨事經其手者無不心悅而感服待賓朋豐簋而投轄則又非優游林下無所矩長而僿促瑣七者之可擬也配若虞氏矚內則勤女紅孝舅姑和妯娌憫孤恤寡義方訓子真賢助也丈夫于四長茂

生次茂富三茂廳幼茂興者皆謹厚勤儉克守父訓足稱克
宗所謂積德者昌不誣矣若翁者洵梓里之領袖而鄉間之碩
彥也余忝戚未知翁之悉爰為之序

雍正歲在乙巳姑洗月

邑庠春小姪孫根猷拜撰

而史據率真... 不以木而... 豈味... 而... 今夫... 于... 實... 與... 去...

于... 實...

麟生朱翁行畧

翁諱允吉字麟生行倫一百八十者宋左司元龍後裔也幼而
穎悟過人群推驚座智能出衆共誇寧馨識者謂左司再生矣
奈所如不偶甫十齡餘即已失怙賴母氏即全貞多方鞠育
未幾儼然一丈夫子也才能日以增家業亦漸裕良園廣置奚
啻歲取十千堂構聿新不羨樓高百尺至其持已也敬恭與人
也寬厚天懷樂易恍如玉樹臨風心鏡光明彷彿金波漾日
易曰勞謙君子殆庶幾焉詩曰溫也恭人勿多讓矣督學使
者知其賢遂舉以奉左司祀明禋登豆之旁左司其有傳人矣
哉即謂左司再生也可余謀面甚希不獲深悉其詳而聲聞藉
也不禁企之慕之願叙其畧以爲君贈

畧

雍正歲次乙巳孟夏月之吉

邑廩生樓 深原一氏拜撰

...

...

...

...

...

...

...

...

...

...

輔丞米餘行署

一綬朱翁偕何氏安人齊眉行畧

凡人之物色風塵品題流俗原不必持衡握軸有藉乎貴勢炎
上英氣勃上爲也亦觀夫素何如耳如朱翁諱一綬者乃碩望
文清公之幼子也世傳厥德克已以仁其勵也惟謹惟慎善
繼之暇復能創其才以御衆其持家也克勤克儉善積之餘更
能廣其惠以諧俗元配淑媛何氏愔悃溫良德性柔慎事舅姑
以孝必親執夫巾櫛盤匱之奉相夫子以敬不失夫鷄鳴昧旦
之風至若治餐專中饋之能延賓效截髮之愛更可欽者自年
尚艾而輒能相夫納寵庶侍廣育今則二老齊眉同撫四英嗣
蟄上衍慶於將來者正未有艾翁與安人一以矍鑠自娛一以
蘭蕙自操拊缶炮羔含哺鼓腹鄉黨稱其德閭里頌其賢抑何
實行之彰上於斯世也哉余若朱族有年際當翁族家乘重修因

而景翁况今穆如清風擬賢範兮雅同皓月故為謹錄以誌云

蘭蕙自林右祔詩首合制苑刻雅黨琳其對固堅於其後

楚曰天生德淑兩成芳夫堪比梁鴻配孟光 又嬰纒白

尚文此日夢蘭頻叶吉動人深企挹芝香 齊歌何

文風温良德性秉天然之不與瓦姬一例看 嬰更

以玉種藍田英嗣廣 芳名留與後人傳 不夫夫

皆與其燕以備分云 聖琳幾何凡熱團盤其

雍正歲在乙巳姑洗月以 姑洗月以 姑洗月以

交新久文取于 出册熱 辦 眷侍教生 分理頓首拜撰

其英原博 出 茲 亦 贈 夫 素 同 吸 耳 吸 米 食 集 一 鮮 香 以 歸 皇

其人 文 吟 身 風 壘 品 既 氣 壯 息 不 必 林 澗 對 神 亦 靜 平 貴 樂 炎

一 難 未 錄 能 回 凡 安 人 齊 肯 行 累

列傳

○宋厲志先生朱公傳

見邑誌

先生諱元龍字景雲號厲志從徐文清公學登宋理宗嘉定十
六年進士第以青陽縣尉校文信州拔徐杰爲舉首及省殿
試元杰皆第一時稱得人調饒州司理叅軍伯之程氏故執政
家有事獄繫十年不決者獄上當死公探得其情力爭出之德
興令誣董氏溺死縣卒兄弟五人皆下獄刑獄使者欲據縣案
論報公察其寃而緩其獄未幾果得縣卒於浮光軍伍中五人
得不死尋並取鄉薦他所反平猶多常平使者袁甫力舉之喬
丞相行簡欲引以自近力辭調縉雲令改官幹辦行在諸司糧
料院輪對論三邊形勢及稱提楮幣大畧理宗嘉納語近臣曰
元龍好臺諫官除宗正寺主簿兼樞密院檢詳諸房文字陞宗

正丞兼左司郎官國史院編修官寶錄院檢討官內侍陳詢益
求建節力持不可宰執論上旨令改擬固執不敢奉詔事雖不
爲之止擬筆終不易或請不可侵給舍之職弗顧也皇叔皇弟
有圩田之訟舉朝無敢可否公毅然決之歲旱宰相勸上幸明
慶寺禮佛公曰稽首號泥佛蘇軾且不爲可以天子而爲之乎
兩上封事以宮禁朝廷百官萬民之利害痛哭流涕言之史嵩
之以公爲丞相喬行簡所器重素忌之而公又論兩淮剗括浮
鹽而寢其事辨督府殺富民王倫之寃而活其子嵩之愈怒暨
入相令言者劾去之郭右史彞卿嘗爲言公剛直聞而嘆曰
宋左司亦遭煩言世道可知遂以憤死奉祠秩滿差知衢吉安
二州皆未上而旋復于祠調知台州以憂不赴服除而鄭清之
再相惡切直遂以朝奉大夫致仕扁所居曰厲志齋或告以由

捷徑可以回宰相之怒應曰吾生欲爲全人死欲爲正鬼可效
此耶竟不復起淳祐壬寅七月甚雨三日不止本邑東江有石
橋被水所壞公爲興人力創建其橋人無病滅家食十年而終
享年五十有九有遺稿十卷及讀騷集行 世弟桂發恩贈主
簿奉政大夫子幼學以文學世其家嘗取漕爲用廢入任終於
臨安府觀察推官幼成仕司戶從子杰登淳祐進士任隆興尉
尹治郡有能聲卒官將作少監兼金陪郎官孫孟犀任婺州路
麗澤書院山長孟羔以儒術任山長孟謙仕衢州府判官蹟世
著公之餘慶有足徵矣

○又傳

朱元龍字景雲登宋嘉定十六年進士第歷温州平陽池州青
陽兩縣尉調饒州司理叅軍德興令誣其民董氏五兄弟溺死

縣卒其獄上公力辨其非辜其兄弟得不死後皆為名進士他所反平者甚多嘉熙元年以處州縉雲令治最擢幹辦行在諸司糧料院尋除宗正寺主簿陞宗正丞兼左司郎官京局官或挾權貴勢求舉牘輒斥之曰舉牘可以勢取耶中官有求封節者力持不可宰臣傳上旨令改擬對曰吾職可罷擬筆不可改宗室有圩田之訟衆莫敢決公毅然決之時方括浮鹽兩淮致書執政以朝廷行商賈之事廟堂踵諸闢之規使史氏書曰括浮鹽自今始可乎又兩上封事言自官禁朝廷以及百官萬民皆可痛哭流涕於是史嵩之入相惡其直一以斥去差知衢吉安二州皆旋與予祠改知台州以憂不赴既而鄭清之再入相素惡先生剛直遂以朝奉大夫致仕家居十年而卒先生早游學於徐文清公喬旣又從四明袁正獻公燮游爽象山陸氏

門人故言先生之學得朱陸之異而會其同有文集若干卷子
幼學用蔭入仕爲臨安觀察推官能世其家業贊曰文清學行
純篤風節高峻誠可謂道學之師矣朱子之傳閩中則有黃幹
氏而浙東爲文清然黃幹氏一再傳爲何氏爲王栢氏皆文
清之同郡人而皆隱德不仕文清之傳如先生康植則皆起科
第躋政路故著大節表七如是焉王栢氏稱操尚之堅風力
之勁有文清之遺則嗚呼寧獨植而已哉

翰林院侍制 同里後學華川王禕撰

○宋臨安觀察推官榮一府君傳

公諱幼學字行甫左司公長子也世爲婺之義烏人天資高邁
襟度恢廓素服庭訓家學相承淵源有自經明學邃文章顯赫
於時取漕薦適父左司公致仕歸與論朝廷政事之失由於用

人之非吾性素峭直臨事不能無言鄭清之益忌臺諫言悉事
用庸懦易制者爲之虛行故事忌吾切直吾以是棄歸汝如得
沾一命切不可屈身苟容而貽譏千古得罪于名教也公緣是
緩任進心居家事親百侍左右委曲周旋供爲子職若將終身
焉及父歿居喪準禮申郡邑以聞轉奏朝廷得蒙恩寵御葬公
之孝行有足徵矣度宗丙寅歲服闋詔授臨安觀察推官適江
萬里罷相公喟然曰江公遭斥罷世道可知矣但初受命承詔
勢難遽退居官執政守介不屈於權要不奪於勢利承父志也
時賈似道爲太師平章軍國重事一日三赴_北筵三日一朝治
事都堂大小朝政決於館客堂吏凡臺諫諸司薦辟京尹浙漕
一切公事不關白不敢行一時正人端士片殆盡吏爭納賂以
求美職圖爲師闡監司郡守者不可勝計貪風大熾公懷憤耻

之心不二年拂袖而歸使能少由捷徑以近權要則其爵位豈止是已哉猗歟行甫翁遵先公正直節義之訓發而爲忠憤激烈之氣宜其制行之峻絕如此也配潘氏贈孺人子孟犀受公家學仕婺州路麗澤院長孫男二人愉恢德志厲學皆足以世其德恢之子烈深明今古典故作譜牒以貽世所謂前有作而後有述者其公之謂歟

○宋金陪郎官榮三府君傳

公諱杰字子俊號魯山朝請大夫伯五府君子也母楊氏贈宜人稟性明粹博學強記素涵從叔左司公教學勤勉不倦與兄行甫翁互相師友砥礪琢磨造詣益深敷文才氣雄暢意思鏗鉤淳祐辛丑登徐儼夫榜進士第初授池州東流縣主簿調提領建康府戶部贍軍酒庫所糴場再調提領江淮茶鹽所准遣

改知龍興豐城縣未幾連丁內外艱服闋咸淳改元差主管臨
安府城北石廂公事明年入臨登聞鼓院又明年奉使淮闕還
遷大理司直轉司農寺丞兼權金部郎官領度支使將作小監
繼遷大監請補外乃出守嘉興因忤權相復差主管建康府崇
道觀積階至朝請大夫致仕公居官治家俱有法度與人甚厚
而自奉則薄雖退居田里而從遊之士戶屢常滿文章德業著
名於世學者稱魯山先生配傅氏贈宜人男仲虎國子進士次
孟謙孫應薦將仕郎遺澤綿七尚當發之於未艾焉

○宋司戶榮八府君傳

司戶公諱幼成字大用左司公幼子也母傅氏贈宜人昆季四
人公居幼世繼簪纓治習詩禮家訓嚴肅又賴行甫魯山二公
砥礪之功講明禮樂德業成就長於文藝仕司戶之職或者以

爲處非其地公慨然行曰抱關擊柝其職易稱孔子亦嘗爲乘
田委吏矣况我先輩耶但學在適用卽此可以小試其端據義
盡職報效國家求不負其位吾之志願足矣若智小謀大力慳
任重其如覆餗何故公之進退可謂悉協于且而無愧矣正配
何氏繼王氏子一孟羔克承家學以儒術仕山長孫男三煥燦
觀光皆克繼紹先世之緒莫非公之餘慶所致也

○宋山長稱三府君傳

公諱孟羔字叔正司戶公子也性質剛明遜志嗜學服祖父遺
訓明性學之淵源窮格致誠正修齊治平之道學夫漢唐以來
諸文章大家無不潛心習覽蓄之旣深發之益盛實欲以聖賢
事業爲繼往開來之學祛狹小以入廣大脫凡近以進高明蓋
其所倦也者聖經賢傳之旨明體達用之道也是以經史貫通

德崇業廣任山長之職凡所以作其氣者以平日家庭耳濡目
染之餘繼以粹學雄文坐擁臬此宜揚教鐸獎迪後進丕振儒
風于以踐之身施之人使休光偉烈照映千古卒爲一時賢人
君子之所景仰也故職雖卑而所以增光先烈者有在矣配王
氏繼趙氏子男三長燦遷居縣東二十三里盤溪創家立業先
步前修次煥幼觀光皆克繼述孫男八人益光世德煥之孫德
潤贅居二十七都孫塘觀光之曾孫諱躬遷季侯門各占籍焉
人物蕃而門祚起公之餘慶遠矣

○盤溪居士成七府君傳

公諱燦字君彰世居邑之西門代有鉅宦左司府君之曾孫山
長叔正翁長子也自幼不伍群兒志氣雄偉襟韻清高親承家
學有仕進志值胡元兵變遂營別業於縣東二十三里盤溪居

焉屢辟不起士君子呼爲盤溪居士朝夕倦匕惟以耕讀爲事
延師教子若孫習舉子業不惜費課農稼穡嘗驅馳隴畝問勵
其勤苦上承世緒下立家規篤孝弟忠信禮義廉耻之行以綱
紀名節自砥礪由是家聲益振門祚日昌

國朝混一而其孫妙釋舉孝廉爲化興令有政聲識者咸歸居士
世教遺澤云配本里宗氏子男四長圻早逝次北圻充先業幹
壘垂裕季塘幼城咸克繼述孫男八人妙釋卽尹興化者妙興
補邑庠生妙真奮志繼紹卓然步公之武者非積德所致歟

○明東湖茂四府君傳

公諱北字仲朔別號東湖左司公元龍亥孫也天性孝友志趣
高潔承厥考始遷之業當家祚未裕之秋黽勉勤勵續述統緒
以宗祖數百年綱常爲己任御家以四教正家以四禮垣屋什

物必堅樸而無苟費門巷果木必方列而無苟亂謹出入慎言
行市井里巷之語未嘗一經於耳不正之書非禮之色終身不
接於目屢戒子姓曰吾始承先人遷業四鄰視之以厚薄其情
遠近窺之以作正其禮亦欲以忠厚爲人僅立門戶願汝輩力
田讀書勿求妄所欲於理分之外以自累也又曰狄梁公有大
節爲不肖子孫所墜貽誚千古可不慎乎尤以詩禮相尚行誼
風節自表厲竭力持家開基闢業凡所以培其根而達其枝者
何下爲也卒垂裕後昆以光先德規模氣槩超卓時輩人皆稱
其爲朱氏中興一人豪尙矣子曰竒真孫尸入琮善繼善述步
公之武者也

○明少湖茂八府君傳

公諱城字仲高左司公元龍玄孫也器量豁達才識明敏操守

邁倫尤輕財樂施常傾囊橐以賑里族之貧窘而不索其償患
難者拯之惟恐不逮或有所校而特倚角之勢者必毅然當其
問極言分釋致負矢顏且嘗捐資建本里橋梁使人無病涉之
患創建崇真院宇以爲閭里祈賽之所訓子妙釋成名應舉孝
廉仕興化縣尹凡所施爲不可殫紀子四並善繼述孫九人皆
英傑食君之報者方未艾也

○明洪四府君傳

公諱妙真字子惇左司公元龍六世孫也天性惇厚愷悌慈祥
讀書識理不干仕進於家篤孝友之道尚仁厚之風正大光明
恭儉縝密不凌節於利而基業日闢生平無鈞距坦然如太古
人物器宇規制迥出人表承厥考四禮四教之訓思御家也不
可以無法嘗慕浦陽鄭氏家規力遵行之不數年間家庭穆如

春風益堅爲善之志製家教一篇訓飭愷切弘纖無不備及而
惠利鄉民之事居多嘗諭子姪曰天之畀我者厚矣晚有餘資
可坐其顛連而不恤乎吾就地日近次第行之力有不逮倦七
爲汝輩道之鄉人感其惠至今頌之不置配陳氏有淑行子文
琮有志光前孫男六皆一時英傑克承丕緒曾孫二十五人才
能出類善繼述者天錫爲最民表由歲貢仕主簿後嗣蕃而公
之德綦不替矣

○明清湖洪五府君傳

公諱德潤字澤身茂一府君之子始遷也稟性豁達果
決有爲正統間贅居是里遂占籍焉開基創業鑿池築室繞植
以松戶庭之中亭上鬱上風生濤鳴月來影落教子詩書課農
稼穡隱處泰然而忘榮辱倉廩實而門祚起綱紀立而禮讓之

俗成喚配金氏子男四長啟宗總一家之政使大小內外服食無不均之嘆姻戚宗族款洽無失禮之愆次紹宗理粟帛虛實之數主會計出納之籍季輝宗供賦稅應力役任奔走馳驅之勤幼顯宗戒童僕以斥雲水之優同心繼志樹綱紀謹冠婚喪祭交接之儀嚴去就辭受取與之節日則各任其責夜則會議事變家庭之間藹如也孫男十三人尤克勉勵承緒奮身述事以期步公之武云

○明洪九府君傳
公諱德光字子華茂子府君長子也世居西門以兄德潤翁卜徙於孫塘之壤慨然有營別業以貽後嗣之意但念祖祠缺守是以因循歲月未就而逝至其子諱躬行宜二者性剛介有爲避市喧遷今莫居之季侯門繼父志也建室廬闢土地從事丘

園之間而祖父詩禮之訓常在提耳兢七業七思光續其世德
居家言貌恂七衣冠儼然睦鄰里而崇齒德尚勤儉而黜浮華
凡其身之所處皆足以爲後世子孫法一時鄉達士夫無不崇
重公尤以謙卑自牧孳七爲善未嘗少涉士鄙苛肆慢以自侈
而心之所養益以盛矣議者謂其規制弘深上可以承先德下
可以啟後昆庶不失爲克宗之士歟配劉氏子三康庸廣孫男
七人皆能繩公之武引而勿替者也

祭文
維以顯宗
文婦
不
祭

○宋正一府君傳

朱氏自晉臨海郡守汎徙蒲墟至宋宗茂府君遷西門端一府君自西門遷盤谷府君復自盤谷遷梅溪爲梅溪始遷之祖左司公元龍之玄孫也儀表端嚴操履方正亨襟器宇超卓時輩夙膺祖父遺訓奮志繼述隘厥攸始因卜遷茲里披荆棘墾蕪萊闢地肇其鼎新豎立以承先世之遺澤人心向慕不數載而化行風移遂成美俗若家力行不怠孝父母敬長上和兄弟訓子孫謹內外睦里族祛虛華凡所設施皆可師法于後世誠哉創業之裕宗歟娶諸氏有昉德之配賢子曰佛寄順孫曰虎曰彪曰麟森七聳立怡睦一堂義方之訓上有承而下有述要皆公之世澤所遺也宜傳之以爲後嗣告

○明相一府君傳

公諱佛寄字德潤姓朱氏烏之梅溪里人也其先出於周曹俠
食采於邾遂以爲姓至晉有諱曰汎者爲臨海郡守始家蒲塘
厥後子孫有徙於邑之西門曰宗茂者爲始基之祖宗茂生邦
彥邦彥生昌昌生如愚禧之適之適之生元龍登宋嘉定癸未
進士歷官至宗政丞兼左司郎公五世祖也元龍之季子幼特
生荀七生炎七生時中遷今莫居之東朱卽公考也公稟性溫
純恬澹寡慾平居闔戶靜坐勿妄與人交七則必有始終誠意
孚交不言而信治家勤以約常欲稍存贏以備不虞至奉先
必以禮節亦不過侈教子聘師令踐所學當賦役繁冗之秋且
應期集事不少稽緩郡邑賦以能稱承先府君始遷之業築室
則務堅樸曰聊禦風雨耳置田不欲多曰那供饘粥耳年旣耄

家祚益裕于姓蔡衍鬚髮皓然邑侯吳欽奉人

恩例冠帶之榮生元延祐丁巳四月廿四日卒明洪武甲戌七月

一日春秋七十有八娶丁氏有婦道克相厥家卒合葬家西北

三里上谷之原子男三虎彪麟女二長適蓋谷丁傑幼適丁俊

孫男十四昭穆程穰積穗稠穠和秩袖稱稌稻孫女二長適清

溪成幼適盤石丁存不學無識幸托交于公父呼間蓋有年矣

故知公為詳敢叙其梗槩而狀之若將請文於當世縉紳以圖

不朽云則在孟威兄弟云

明洪武二十九年歲次丙子春三月吉旦人同邑友人丁存拜撰

○明森一府君傳

公諱虎字孟威相一府君長子也母丁氏天性聰慧幼嗜學讀

書務以端本澄源為學善屬詩文其詩律取法盛唐其文詞通

暢反覆曲折綽有重名足爲世所大用迺安於山谷考槃而志有所尙也居家敦孝友之道崇禮讓之風寬仁冲淡不事浮靡所交與者皆一時豪傑與同里鄉進士馮君大綱約爲道義日談今古成敗之由家國興亡之理而使人聽之而悚懼之心生焉每以繼紹夙世風聲爲念故立綱陳紀纂修家譜以明統緒其尊祖敬宗垂裕立法之意深且遠矣善事寡母丁氏蒙朝廷優詔賜其母肉帛之榮親朋士夫咸賦詩以贈世人皆高其行云配廬氏繼陳氏子四昭穰秩和通書史知大義孫男十人循七雅飭公之餘慶有足徵矣

○明彬一府君傳

梅溪多佳山水英彥迭出或以孝友聞或以節行著往七見楫於時若乃繼前修而倡後裔則南峯府君其人也公諱昭字宗

先孟威府君長子也幼服庭訓嗜詩書善記問博覽好古敬禮
諸父舊遊賓客無敢失師尊鄉進士同里馮先生先生每奇之
曰非是父焉能有是子也於是與論聖賢道德性命之秘天理
民彝之懿公習服而力行之父母兄弟安其孝友鄰里宗族樂
其禮讓邑侯聞之嘗虛賓席以俟公竟托疾不赴跡迹高尚
以自適日與知契臨軒酌酒賦詩得古逸民之風味焉配陳氏
次喻氏子二榮忻丰姿俊雅善於繼述克家子也孫男三人曾
孫男十人妻皆彬七傑出足以世公之德業者歟

○明杰三府君傳

公諱榮字子陽森一府君長子也稟性純龐寬厚渾融幼嗜經
書明物理遁跡林泉以繼紹先世休風爲念居家孝友歷事慎
密力本理生以充廣其先遺內而父母悅其孝外而宗族稱其

悌遇歲歉常推所有以賑里族之不足者鄉鄰有競片言剖釋
識者擬其爲陳太丘王彥方之匹得矣故其光裕之計有以振
作於當時垂於後嗣至今蒙其遺澤而不替也配許氏厥子道
均厥孫永祿永福永禮永禧胥英雅厚重允爲宗閭之翹楚焉

○明權四府君傳

世有靈秀之地必有英傑之士生焉縣南四十五里梅溪東流
雙峯西峙雪嶺翠屏於南畫峴縈廻於北中有平原一望可耕
可稼當元季天下鼎沸邑之西門朱氏諱曰時中者避兵而居
其地歷六葉有處士歸道均字通之者恂也循雅抱德自珍朝
耕讀暮且其操性淳厚辭氣和平敬以律已恕以待人躬行孝
弟力扶綱紀交鄰里處宗族無不曲盡其道飭諸子以禮義廉
耻之訓而先世之遺芳賴公益振弘治間大饑有遊士至公見

其饑色問之士應曰吾絕三日糧矣公悵然乃歛之數日去則
爲饋道路之贖後一日於居殿東塘拾金若干立候之最久俄
有一人且泣且奔言鬻物於市易金若干不幸偶失於此公驗
以還之其生平制行大要多類此鄉人沐公之德者至今稱譽
不已迨若鹿門以安遺後者何問之有配傅氏中之曾祖姑也
溫柔淑慎內則無遺英嗣四承初承福永禮承禧皆克修厥德
曾玄熾七昌七讀書敦本步前武者端乎有在矣中與朱氏講
事敢忘周陋書公履歷以爲末俗勸

春生傳中撰

○森二府君傳

公諱彪字仲文相一府君之次子也制行純謹作事有則無越
度無矜怠讀書知尊開行知之要必欲各迹之隱逸於州里出

一言必求其驗於今示於後人可得以疵其踐履里中長幼見之莫不綱繹與誥然盡歡如甘露沃昭如春風被物甯中繁吝悉去其訓戒蓋有五禮六樂之教要皆恭儉莊敬備於已而見於施爲也居家孝友無間言由是雍睦之聲著於鄉邑有司聞其名而慕之舉爲飲賓以武士類且每造廬詢以時事其無負武城宰之得人者歟配王氏有淑行子四穆程稭穗皆諳書禮爲時人望孫男寸人皆克世其家門祚視昔殆有加矣

○彬二府君傳

公諱穆字宗信仲文府君冢嗣也世居梅溪里性醇樸無外飾夙閉家教明禮義之原嚴理欲之分守正家大法不遂於一時之小就訓誘子姓嚴而有方不欲損人利己陰謀設穽之事務本治農節制財用恪守先世規矩卒全令德迨躋榆景乃結小

齋於西北六十步園池之內以爲藏修之所蒔奇花異卉左圖
右書日與群從親友辭歌詩酒呼猿引鶴徜徉笑傲於其間望
之者皆謂爲神仙中人也配丁氏子熒煌炊炳崇禮讓旣孝且
和孫男八人皆克肖而世公之德業云

○明彬五府君傳

公諱程字宗行梅溪里人也考森二府君母王氏昆季四公居
次稟性敏悟博覽群書明物理達古今事變樂善而好義貴德
而尊士篤倫品敦禮讓光明正大迥出人表爲同郡鄉先達廉
訪使張公所器重時或過訪詢以時事公議論純正張公益加
贊嘆曰亢家子常若是也凡其所處所行入罕及者蓋由天資
之敏兼以家庭軌範之觀瞻禮義之沿習亦得之深矣配丁氏
子五熒煌熒炳熒煜皆俊雅特出孫男十五人曰坦曰墀曰垣曰

阡克善繼述餘方振七焉有張亢之勢

○明杰一府君傳

公諱熒字子明彬二府君長子器量沉深言動端詳善於室每勤儉爲家人勗且卑以自牧靜以處變鄉族每視其跬步爲渠度焉配戚氏屬公刑之下杖然閨中賢範迄今嗣之者舉不辱其徽音子四華寄安全皆克世其家孫男七人鏐周貴元宗銀鐸鈺廉超凡拔萃咸足以繼公之業者歟

○明杰四府君傳

梅溪朱處士諱熒字子盛賦性聰慧夙從師訓凡書史過目輒曉大義比長慷慨特達出言而人信處事而人服遠近有不平不文公府惟處士質焉嘗自謂大丈夫處世常侔儻綽絕安能庸七碌七以投合哉居家惇行禮義愛親敬長和鄰睦族禮師

儒而崇齒德尚勤敏而祛浮華尤嚴于閨門內外之防凡其身
之所處足以世爲子孫法時邑侯檄舉公爲稅長公曰役之難
應莫斯爲最苟失其職則負公蠹衆禍患不小以敬畏廉謹自
持里人病疫舉家死喪相尋公催徵及其家時戶盡閉公足躡
其門病者驚起恍惚中見物從檻而出者不知爲誰瘟氣自是
頓息鄉人異之謂非正人端士焉能驅斥鬼神如是耶

○明本四一府君傳

聞昔者太史公於人有隻善皆爲之傳矧有衆善如鶴峯朱公
者可弗爲之詳其素履乎公諱文琮字仲升別號鶴峯宋賢左
司公元龍七世孫也性慷慨倜儻起處周旋中乎禮度讀書融
理趣卽服爲立身大節事親惟順志不敢少忤治喪奉祭非朱
子制不行鄉人皆爲之化至於周貧恤匱解紛釋爭尤其發於

山裏無強者或聆其辭氣正直雖跣弛之夫未嘗不爲之歛衽
焉嘗飭諸子於庭曰成立之難覆墜之易乃先賢格語汝輩慎
毋忘且事詩書未嘗無利於心身猛力期無負我家學自五世
祖左司府君六世祖秘書府君簪纓蟬聯迨我伯父興化尹一
煬其燼卽振先輝詩書果有負於人乎吾輩遇時多艱不能繼
紹先聲汝能志光前烈吾其助之乃斤常稔田一十五畝山二
處塘一口世爲子孫讀書爇爨之需噫嘻公其朱氏之亢宗歟
配郭氏有賢行爲閨門德範子七儀儔俊春億紹光儔尚古道
並著其譽孫男二十五人出類拔萃者天錫爲最民表由歲貢
任主簿餘並習詩禮彬七秀出庶其有光於先烈公之遺德如
此書之以俟太史異日採焉

賜進士第中書舍人本邑齊山王汶撰

人參 ○明禮一府君傳

分謹儀字君衛左司公入世孫也世居石磯渡稟性醇厚諳練世故氣冲而和貌恭而肅學問該博恒以多聞泛應乎人藏積頗裕里俗貧困之沐其惠者多頌德焉謀子姪諄以呂氏家訓及浦陽鄭氏家範為教使之習服而行之齡踰古稀康強如少壯混迹漁牧舒懷雲水間而於勢利蔑如也

吳 ○明禮七府君傳

公諱億字良壽本四一府君第四子稟性質樸端慈雅重居家孝友不尚浮靡布衣糲食如服錦繡而食梁肉不求備於妻奴不感嘆於感獲忘勢利樂田里勤事樹蓄與弟琴塘翁析于業之後至老無幾微介意卑族親舊至樽酒豆飯言笑陶化真曠世之逸民歟配曹氏子三庸唐瑄克善繼述公之積德可徵矣

○明禮十二府君傳

公諱光字良輝本四一府君幼子也性誠篤慎密操守有爲以
繼紹先聲爲念延師教子必擇明經之士使務端本澄源之學
卒有成效次子民表由歲貢任簿職戒之曰昔王升以子慎爲
平原令遺之書曰居官宜以廉潔自守古人謂貧乏不能存此
是好消息撫民以仁慈爲首報國以忠勤爲本處事以謙恭爲
先進修以學業爲要暇則當玩味經史功不可偏廢吾顧不能
滇義汝其能佩服訓誡之詞乎故民表居官清慎甚得民心謂
非公之訓飭不可也事兄八潭翁謙恭翼上久而不衰人謂其
事兄與司馬公之事伯康無愧矣配金氏有淑德子四龍威虎
龍威字民表即仕政和者餘皆勤儉克家孝友著聞孫男二十
人森聳怡睦於一堂上有承而下有述宜傳之以告後嗣云

○明權一府君傳

公諱文華字子美杰一府君長子也稟性嚴格儀表端莊而能以先世家聲益求樹立凡權勢威力聲色貨利舉不能奪其所好平心率物制行卓越居家孝親第長睦族和衆謙恭勤儉無少忤於人且力本治生世業賴以益裕訓子讀書俾以追述先德迄今詩禮彬彬與俗迥異者公所遺也配成氏子二錫鐸長於繼述先聲不墜孫男八人並克世公之業者歟

○桂七十五府君傳

翁諱肇鎮字元定敬齋其別號也世家梅溪幼性聰敏雅重端慤絕輕儇與群兒不類爲嚴慈所鐘愛比入就師傅授以小學卽循矩度歛膝端坐儼若成人讀書循課程不怠事父母定省不少廢遐邇以孝聞及冠服勞幹蠶周悉庶務井匕有條持已

接物以禮義廉耻相先後重然諾開誠布公里間有不平必赴
以求曲直卽據理諭之俾人感悟洗心蕘以良善弗事武斷故
人莫不敬服遇宗族恩意備至且重儒術崇信義斯文姻舊及
門必需情欵洽雖竟日不懈頓絕譁浪之態延師誨諸子姓禮
必過厚以身先之雖倍費於族亦不少校也執親喪哀毀準禮
月朔必薦新時祀必盡誠蓋其天性然也嘗念國有廟家有祠
古之制也歲靖嘉甲辰褒諸子姓量輕重資助首發已帑擴厥
址堂廡門垣不半載而成復置祀田若干畝以伸薦奠之情新
譜牒以收族屬之義噫公之素履于斯見其槩矣配下頓陳氏
克相有道足爲闡式四子溯漢江治皆循七雅飭垂光邁烈女
一適赤岸馮沛予忝公之姻戚故爲傳以誌之

外甥孫東陽昭仁許慶陽拜書

○明琦二百四處士傳
處士諱世澤字惟慶號前川琦二百四其行也處士著姓于朱
實烏傷之西門朱左司之後析居梅溪里人大父瑜父永襟者
善德誼優於世俱齟光弗耀按處士之夙賦推樸循良耿介秉
直孝友彰於庭內外無間言不樂倚阿與忍然諾不侵取余不
淬與賓友一傾蓋間如坐春風中咸樂就其藹然之度至納而
歎者慙慙繼緒悉洽誠悫宗黨之內義有干於公務所常舉者
歸然倡率應之無難色人或有因利相憤恠者捐已以釋之遇
饑歲每出粟賑人無貸不應其求亦不計其償有平仲公風課
子姓惟廟廊畎畝兩業之外更無餘艷與鄉族人處初無鈞鉅
自少壯以迨垂白泝跡公門且高於鄉邑侯聞其善因以
旌善扁其堂曰盛德遺遐厥配蔣氏賢行可風於閨闈子五良

心良謀良言良訓良評咸和厚克家此公之善狀種此不能枚
舉余以姻聯之誼不容辭姑撮其梗槩而傳之如右云
明萬曆庚申仲冬之吉 任福建泉州府判簿春庄馮文瑞拜撰

○孫塘琦三首廿九翁傳

翁諱應孟字伯賢別號少川琦三首廿九其行也世祖先耀若
左司郎者與載牒乘茲不復述大父音三十五父元六十九俱
韜德林壑母倍磊陳氏烏之名門右族也翁之秉性朴茂忠淳
剛介梗直襟宇磊落器度寬宏不事華靡居庭以孝處族以友
接里人以和姻戚故舊往來不失禮度期許必信辭受不滓凡
遇鄉鄰族黨紛爭投白於翁是非可否其言絡七人咸帖服以
爲公正之足以感人也凡遇家庭公舉毅然身先首倡不恤資
費若宗譜之重修非翁精敏幹才何以率是舉哉足雖構疾命

諸子出入作息并七有條雖不越戶庭而時事不能逃其筭厥
配王氏克賢內助綽有闡德子二女佳文德皆厚道起家孫男
森七咸岐嶷亢宗翁之克昌厥後又如此德行種七不能悉錄
姑撮其槩以闡其萬一云

明泰昌元年季冬之吉

郡庠士春生華嶽虞舜田拜撰

○明琦四百十一處士傳

翁諱邦諒字惟貞號望川其行已持身之懿範垂後之芳踪蓋
不能殫述焉吾且就其一身之梗槩而論之貌古而心朴言貞
而行方孝友之德本乎天植醇應之誠必孚其衷葆天良可謂
無瑕矣其處家庭鄉曲之際盡孝友謙恭之巨節或有悖理者
以法諭之性銳者以和引之人咸服其德行其率子弟也乃讀
乃耕治家政也惟勤惟儉是以家業恢拓人人仰慕其風暴戾

者遇之而化柔懦者覩之而剛一方老稚喑與謀曰此秉正司
直之輩不可多得哉於是共薦之于邑侯邑侯聞其賢屢賜
其獎語扁額周侯扁語曰行誼淳良二曰清慎可嘉三曰督造
勤勞厥配范氏克善助內有鷄鳴昧旦風產四子一女長德信
次德俊三德仁幼德儀皆岐疑亢宗克昌厥後者也翁之懿行
種七不能盡錄姑約畧以闡其萬一云

明萬曆辛亥冬月之吉

眷生盧弘春拜撰

○明琳百五十五翁耆德傳

士君子立身登甲科而策名朝宁者固兼善之達人也
有韜道德而樂林泉者此獨善之處士也二者出處不同其所尚則一
也夫高尚自得而承先啟後者則朱氏翁其有進於是焉翁
諱良楨字惟幹別號雲山其上祖煊赫於時詳載前帙茲不復

贅翁之性真敦厚襟次悠然才猷練達丰神清雅少時儒藝不
輟遂徘徊岐路歲公之姊比丈即倍磊陳九霄公也原任蘇
州吳松所守備將軍知公明敏之才欲延爲賓幙固辭強而之
任者數十年秉公佐理務不纖積私囊及欲授以戎職乃拂袖
而歸於庭事色養極其順承於昆季間則友愛備至夫婦居室
互如賓敬於庭訓則嚴慈並施於家父子之間懽如也告匱者
捐資貸賑懼難者計解其懸鄉鄰有闕兩相投白於公者強梗
示以法性銳引於和茂不帖然鄉人倚爲著蔡族人亦歛其公
推爲祠長以司公帑出入經費有節公儲嘗克陳朽者咸公會
計當也是以宗事無論巨細悉爲公商確可否整頓雅俗扶植
大綱德隆月且望重鄉評而歷任邑大夫以其公正固定於公
迺不容辭幾經旌獎以額其堂則公之制行可知矣厥配施氏

柔婉賢淑母儀足範婦道可風于三守魁守行守喬特達邁衆
長厚出人皆亢宗之備品公且不惟善於一身抑且善繼體於
後矣余與姻聯之雅熟稔其生平姑撮其槩以俟秉史者採焉
同知遼州事前北京兵馬司 竹坡馮惟彬頓首拜撰

明萬曆庚申仲冬之吉 同男章德府經歷馮如薰頓首拜撰

○琳二百六十九府君傳

公諱良榛字惟茂東朱梅溪里人也其先世有諱元龍者登宋
嘉定進士第積階左司郎官以忠直著名至公蓋十六世矣公
幼讀書穎悟昆仲愛之重之有姊夫陳公最雅器之陳公諱九
霄字友松係天津總兵官都督同知余外祖也外祖常語予家
嚴曰吾從出鎮以來海波不揚狼烟息靜賴舅氏朱公相與助
勦至臨陣而公膽彌壯氣彌奮及凱旋論功授以守備公力辭

焉嗣後陳公沒公爲料理喪事整飭家務始終如一居里不慕
奢華課兒耕讀克守勤儉屋側環園數畝紅杏綠橘修竹千竿
刈薤酌酒以自娛陶然相樂也公享年七十有三配青巖劉
氏安人壺德慎淑柔順懿恭爾時先帝國變地方騷擾安人卽
命子姪迎余家人尋至潛之雖亂離中視如骨肉始終勿懈踰
月余歸家人聚首咸劉氏安人護庇之力多矣安人生三子長
守輝次守光力本務農日漸殷盛宗族推爲祠長正直不阿幼
守耀材力超群兵部何公慤人守淮陽以之衝鋒敢勇當先歸
畢絕口不言只事依仁怡七日與兄弟朝夕膝下厥成禮義之
風滌濯輕浮之態振起頹靡之習如斯家人之慶豈非公之厚
德流芳之善驗也耶

順治辛卯仲春月之吉

賜進士第奉議大夫按察司僉事監軍道 階平氏馮願拜撰

○琳四百九府君傳

府君諱德富字汝善號仰川蓋沛國隱君子也然探其爲人好善風存太古噩七乎如木之質和易天成藹藹乎如春之溫言不過辭動不踰矩其治家也勤出而息無玩愒之訓其用度也儉食不奢味器不彫鏤用無妄費鄉鄰或有相闕之忿投之不以其強禦者而畏之不以其柔弱者而茹之咸以禮折之焉蓋不特此也抑且家業增田構屋以貽子孫致奉二親無不順命兄弟怡怡老且彌篤邑侯 陳公賜以扁額曰德重望隆獎語云約束地方境有安堵之靖奉公矢慎已著勤勞之績譽望由評合行嘉獎給帖與之厥配虞氏續華氏生四子一女俱係英傑長文愚次文思三文志幼文愷等皆體先人祖父勤

勞而克肖其行難以枚舉卽此司直積德勤儉守已足以徵其
爲天民矣余畧表其行云

順治九年壬辰孟冬之吉 邑廩貢元眷生劉且頓首拜撰

○琳四百六十五公傳
公諱德仁字汝政號心源人之所謂大丈夫者豈必持衡握軸
乎哉視其爲人何若耳如汝政甫者善繼已能創其才餘於量
也善積已能散其惠徧於人也敦悃悫則梓里可風其周於身
者德也出公忠則尊卑胥服其隆於衆者望也至若厥胤得之
雖晚必訓以義方抑何貽謀之孔昭也然且披悫心兮穆如清
風愛賢流兮觴飛醉拜其雅懷又孰得而勝之嘻如汝政甫者
蓋可謂之大丈夫云

順治壬辰歲菊月吉旦 邑廩庠眷生劉用光頓首拜撰

○梅溪勝七十六府君傳

勝七十六府君其行也諱大亨係琳四十五處士冢子體貌魁梧性資端慤樂恬淡崇樸素善處宗族倫理間世德相承世業相繼公處之澹然若虛雖至有犯亦不與之校祖父厚遺貲產昆弟處之均平持青天白日之心事毫不以一介私取至於鄉里姻戚惟厚其往不計其來一生專以存善爲事不許人之私惟道人之善樂施與鮮邪行所以足跡不入公門亦不掛名案牘卓乎有古人風遊耕鑿之大而帝力何有者也最可難者痛父早逝哀傷不輟事母惟命撫幼弟不啻己子蓋其天性然也邑宰鄭公聞而賢之奉恩例贈冠帶給扁曰仁壽可嘉是豈非公善德之所致乎生一子名一清克繩祖武不忝先人孫允庶英杰挺出玄孫慕標慕榜慕楫慕椿蟄匕衍慶至今方未艾

也詩曰麟之趾振振公子又曰螽斯羽詵詵兮宜爾子孫振振
兮殆將爲公咏與

順治十年歲次癸巳孟夏之吉 邑庠姪婿丁彥百拜撰

○梅溪懷敬耆飲勝二百府君傳

公諱宇誠字朝實懷敬其別號也幼失怙爲祖母楊氏所撫育
卽能先意承志以上傳祖母歡心事父將順惟命無忤色亦無
惰容尤時因栝棧感懷每遇春露秋霜歲時祭奠輒至莫悲啼
不置蓋其孝思有出於天性者事繼母王氏不異生母由是於
溫清定省間凡有出入罔不稟命厥配胡氏實稱合德內外同
心一志相勉以孝以故子孝其母母亦慈其子因以上慰乎祖
母婦孝其姑姑亦愛其婦因以上安乎祖姑一家之中歡然聚
順不可謂非易人所難也所尤難者後母病癰數載始終奉養

如一日未嘗有幾微厭倦之色聞者見者莫不多其能孝而重其為人若恒嘗謂人不可不仁義以仁義存心自能盡孝悌旨哉誠知本之言矣性勤儉未明而起以身任家庖內外事無不井匕有倫脊量所入為出食時用禮外未嘗妄費一錢亦未嘗妄取一錢族內事無大小凡有疑難必得其一言始解歲在壬辰重修家乘矢慎矢公為鄉評所推重

邑侯 孫公聞之繪醇懿素著四字以贈謝公則額其廬以為淳善可嘉至 于公則賓禮之并贈冠帶給扁曰行孚月且云

康熙三十年歲次辛未仲春月之吉 東邑拔貢許欽守拜撰

此種白紙文據非八千文付益後詳茲為令百爾千察非辨

謝烈三〇梅溪勝二百八十四朱益翁傳贊

辛未歲余備西賓於梅溪朱氏帷中士朱瀛兆者邑庠生也一朝端杖而請曰予小子次父字益之諱守能係先世左司公嫡裔秉性堅正制行高爽喜讀書素弗屑治生產業緣所如不遇遂浩然曰丈夫志在四方寧甘促匕作轅下駒也由是束裝客遊而燕秦齊魯梁楚吳越諸邦閱歷殆遍在外三十餘年凡宇內名山大川收拾腹笥者什之八九復瞿然曰觀止矣嗣後白雲在念賦歸梓里怡情於隴野寄興於杯酒視聲色貨利微逐羶集之場如宿霧依山浮鷗棲水都無着意惟延師課子訓以義方甚至垂橐必竭力爲黨塾先邑侯孫公家棟命胥役賣花幣獎之旌其門曰天縱者英晚而風操益堅養溪魚數尾植花草幾盤每月明風凱之除會同契者促席飛觴舉白盡醉想其

育次時與宇宙相生相爲感召而已郡佐董公昭祚聞其高標
給齒德胎芳四字顏其庭享壽八十有三同大母吳氏齊眉偕
老膝下二男長伯父諱一選次家嚴諱一達前後俱割股以療
大母之疾孝行稱於鄉黨曾無愧於二難者亦以見大父庭訓
之所胎也其下孫男指不勝屈弗敢贅夫子盍爲予小子弭筆
而誌焉以垂示不朽則存者榮甚沒者榮甚余聞其言而仰止
之私殷殷不置故文雖不斐謹按其狀而覆爲傳之且系之以

贊曰

朱翁朱翁猗歟休哉少負四方之志老無千歲之懷靜盡浮
雲流行坎止是才與德之俱備有足以啟後昆以光大而靡

涯

康熙三十年孟夏上浣之吉 四 吳寧春小第李經叔綿氏拜撰

○勝三百六十翁傳

公諱希張字朝綱乃宋元龍公之後裔元八二府君之孫也翁之德性素樸行誼磊落而姿狀黜梧體貌不凡知祖宗締造之艱思陶朱伍遂不復在家爲人質直無僞其立身也端莊純一其教家也克勤克儉常以張公百忍爲訓其居鄉也恂上如無傲言無競色取與不苟徃來施受之誼靡不得其常而中其節所最重者周恤保愛每見族有不足者勿吝其資與理不平者秉公區別則或有以田產貿易而過爲求索者翁則有范氏三買之風故鄉鄰重之貧民感之年臨耄耋

聖天子巡狩江南恩賜金帛表翁之德壽者翁之行誼歷歷可數又得淑女沈氏以爲之配素嫻母儀蘋蘩甘旨無不慤奉室內御下多爲有方筵賓款洽族內贊揚吾以爲曹高向孟之賢何

西門先生集卷之三
多讓乎詎得子男三長曰明備次日明瑞幼曰明珍女四俱適
名門克肖胤嗣皆令器也非翁行誼能臻如此真所謂誠能動
聖物德足感人者良不虛矣余博觀朱氏翁動罔不感厥後鳳毛
毓秀寧有既耶時今修輯家乘素兼相愛之雅敢擅吐鄙屬予
椽筆以垂不朽云爾

康熙三十年仲春月之吉

○勝三百七十二隱君朱公傳

公諱文清字朝涇其族蕃衍多才能之士又習尚淳儉其地多
素封之家以是爲烏邑之望族云若公其族之傑出者也爲人
謹厚慎言而行事有始終交友尚施濟處世善寬和治家敦禮
讓律躬好簡勤省身寡尤言端行矩老且益堅焉公秉性好學
凡經史百家無不博覽而於書之心法猶三至意焉謹庠序申

孝悌型仁講讓之謨建學明倫之事無不修舉其於古昔賢士
誕敷文德者何多讓焉學可以匡時才可以治世乃悠七退處
於山林隴畝之間陶然自樂寤寐獨歌其高於世人也明矣蓋
其淡然於利者猶夫澹然於名之性由由而未嘗與俗比行耿
耿而未嘗與世忤和不失正清不至亢友于兄弟施於人倫不
伎不求何用不感非道德若身之所存耶今公之食也恒食而
白其其食服也恒服而自美其服以安步當車以無罪當貴耳
不聽淫亂之聲口不誦邪侈之語一生不見外事而處於隴畝
壽而康樂無央勝吾居奚所望因天之時乘地之利韓子曰幽
居而野處登高而望遠坐茂樹以終日濯清泉以自酌採於山
羨可茹釣於水鮮可食起居無時惟適所安公其有與於斯焉

康熙三十年歲次辛未蒲月之吉 泮塘宗姪朱源頓首拜撰

○勝四百一隱君傳

公諱希春字元之乃宋左司元龍公之裔孫也琳三百九十八
府君之仲子也公性聰敏明於書史而愛清閑平居則恬淡自
如不以貨利動心不以貧富易念而阿諛苟且在所必絕至所
奉甚精潔尤好勤稼穡每東作西成之際必親往督率種植之
類必至秀實爲快其賓朋往來斗酒盡歡乃止且賙貧恤寡傾
囊不惜而好義之心終寤寐不忘也嘗觀張公百忍之圖每爲
流連贊嘆心竊慕之待昆季永無爭競之言敬宗祖長存孝養
之心二次倡修族譜諸凡綜理皆賴于公故髫髻至耄無事爲福
而光承先烈佑啟後人者誠在此不在彼也淑配王氏貞靜勤
儉稱賢內助舉二子長明丘幼明輝皆英七成立而克續前猷
女一適於名門公延師擇友義方以訓諸孫高門第以待駟馬

者當爲吾翁深加屬望焉是爲傳

康熙二十九年歲次庚午季冬之吉

邑庠生何宗瀚拜撰

○勝四百七十九處士朝明公傳

朱諱文祚字朝明邑之盤溪人盤溪爲邑之望族至君尤才激
昂奮志少年折節業儒久之而棄去笑曰丈夫處世顧樹立何
如耳豈必窮年咕嗶作蠹魚生活哉乃益礪好修其治家也儉
不至齋其居鄉也直而能婉慷慨然諾皎然不欺而又藹乎其
可親也以故鄉人或遇爭鬩徃徃不鳴當事而質成於君者君
爲平情剖處咸唯七退無後言 邑侯于公銓爲鄉總甲寅之
寇蜂屯蟻聚寇氛所及僅隔衣帶水君糾率鄉人戮力捍禦者
累晝夜三餘月余族密邇隣壤實相輔車唇齒焉其義勇率多
類此論曰余讀蘇氏族譜亭記云匹夫而化鄉人以觀朱君迹

其行事向所謂聞其語者今且見其人矣茲於君之重修譜牒而益徵其敦睦族之意焉因爲掇其梗槩垂諸家乘俾後裔考稽而則倣之爾熾而昌朱氏之興曷有艾哉
康熙三十年歲次辛未仲春之吉 花溪眷第虞光紹頓首拜撰

○梅溪盛九十一國吾府君傳

甚矣世味之羶藪人也久矣誰則能好惡克端而排難解紛與閭里分憂者乎惟廿六都梅溪朱翁諱一華字應光號國吾者予與翁雖不同里而予與表弟龍老常慨人心之澆漓世態之工媚而表第欣然有羨於國翁而述其行事多卓七不與俗伍聞伊族重輯家乘因敢爲辭以傳之雖不能盡其詳亦畧道其槩內存濟世之心外行公剖之事而且勤儉治家謙恭睦族有古先民之風焉至其扶難濟傾又本性之不勉而然也若鄉黨

有事曲者曲之直者直之不愧仲連談笑之功兼有郭泰人倫
之度雖豪強孤弱不爲左袒一族賴以安靜四方藉以正行里
人頌之邑侯于公聞知敦請飲賓旌獎錫扁其門扁曰名高
州且翁之實德如是故桂子蘭孫振振以永錫祚胤耳况翁又
得內助配林身範攸著宜室宜家生丈夫子四長曰允忠聿修
厥德克遵父規次曰允孝三曰允啟幼曰允義皆克肖子也守
成家業儀範一新抑非翁好善積厚而能流光斯美報也耶孫
男四慕趙慕元慕豪慕傑皆英英卓立後必有昌大其門楣者
歟是爲傳

康熙三十年歲次辛未季春月望日

欽授內閣中書舍人宋六同撰元前
春生金以詔拜撰

○盛二百四十四君美公傳

公諱一泰字君夫係宋左司郎元龍之裔孫也公稟性剛直知
識高卑治家以本分爲先而克勤克儉之匪懈處事以理勝爲
主而無偏黨以自持不怠強悍不侮柔懦鄉族有爭忿不平者
親往判直而無不悅服且創議會族鼎修譜牒而不憚心勞之
力柔聲而罔極之思非孝而和祖宗源裔數餘載雖積德於冥
上而來亦有知愚賢不肖之等乃而鄉黨之中無我如非其義
非其道乃一介不以與人一介不以取諸人或當官也或在私
也爲人之所不能爲言人之所不能言即經云有諸已而後求
諸人無諸已而後非諸人之謂與不特此耳勃然創業垂統而
成父作之仁承先啟後以盡子述之職配蔣氏閨門獲邑姜之
配訓平由先王之法毓秀有道如鼓瑟琴和樂且耽吾論君之

待人乃或遇親朋閒暇之際切匕中有怡匕之色而未嘗有所
驕吝也我故曰得其孝道得其禦侮之才也茲者桂子則雖二
安知蘭孫非若螽斯之振振乎哉敢不爲贈

○倫五十四良甫處士傳

處士諱允忠字良甫少年醇謹不異老成能勤敏順父志以振
家聲和以處人寬以應事事無巨纖必無不當父意者尤友于
兄弟終日怡怡未嘗有幾微自公之念其於族黨也藹然以恩
相接遇一事無不資其排解而樂其公平歲饑恒設法賑濟貧
乏者多賴以飽遠近德之娶東陽王氏淑慎端莊止生一女後
因艱於得男力勸置婢方謂善人昌後而天竟不假之以年惜
哉王氏奉姑守志矢死靡他初繼次房仲子殤於病遂撫育幼

房次子爲嗣其女適稽亭塘丁亦寡而止生一女適東陽許嘉
廊司馬溫公曰積善之家必有餘慶嗟哉俗語云不報施於自
身將來必報施於後胤又東陽王九鼎贈詩云不報施於
麻麓曰一事無成空落落而聚其不平爲難對若過宿食
及學足以淑乎身順足以得乎親義足以及乎鄉鄰澤足以
施乎遠近惜乎一疾沉淪嗚呼天之未啟爾之後昆
康熙三十年歲次辛未季春望日之吉

○命五十四頁甫靈士

東邑歲進士蔣國祥拜撰

寒映薄紅花葉盡禱文那那平新如不熟

器齊出非效曰昏其致豈其樂爾文水也效沐沐手照鏡之

林人氏短髮聽限聞耶文烈世土中作館子父母而未嘗亦

盛三百八十六府君傳

翁諱一桂字應芳沛國郡爲烏傷望族其上祖諱宗茂公始居
邑之西門瓜瓞綿延繩繩相繼中葉左司公以功名顯於宋迤
傳其祖諱燦行成七公襟懷洒落性嗜林泉厭城市囂塵卜居
於縣東北三里之盤溪山環水繞顧而樂之遂世其家焉翁其
後裔也天姿渾厚與物無競處宗族鄉黨循匕善下未嘗以言
色加人性友愛推黎讓棗自幼而然至白首始終無間治家勤
儉男女效績無敢舍業以嬉非承賓祭未嘗妄費而至於濟貧
周急則不敢吝歲饑貧人乏食翁傾廩以賑之亦未嘗有德色
也東與義接壤姻戚綿聯余時從諸親人會聚因詢其鄉中耆
舊及老成人則咸嘖嘖應芳翁之賢曰翁貌癯而德厚體弱而
行方其兢匕繩尺不越矩矱篤於自守者也其謙謙自牧與人

無爭唾面自乾者也是所謂彬七守道之士而善盖一鄉者噫
翁何修而得此譽於人哉蓋其素履之貞服於人者父而信於
人者深故推重於鄉人者如此吾於是慕翁之爲人而有以知
翁之後之必昌也翁之孫茂璣從余游歲乙巳宗譜告成求予
叙其行畧予畧次其世傳與其所聞於鄉人者書以予之蓋見
夫修德之後必興而潛德之光必發余不文之言何足爲翁重
而顯揚褒贈大振家聲所以光乃祖之德者不無望於繼起之
人璣也勉乎哉翁元配方氏治家嚴明善於訓子賢匹也生二
子允澄允清墳隳和協家道日隆所謂積德昌後者於此已占
其兆云

雍正三年歲在乙巳林鐘之吉

歲進士政授 恩貢縣教諭眷侍教生張承諫拜撰

婦傳

○貴三十九安人任氏節傳

易曰鴻漸於陸其羽可用爲儀曰凝霜堅冰至又曰碩果不食
蓋言女以丈夫爲儀夫亡則貞淑不二之操履歷爲難至於坤
剝之甚則猶有復生之理也抑自光岳氣分士無完節其可以
求諸婦人女子者哉吁是非然也惟人之生也妙合二五綱緼
太和會一元于無極流形化品付之以五常耀之以耳目口鼻
心知百體莫不畢具弗以男女而豐齊也厥觀賦予同則知覺
運動亦同意其所至之必同也柰何稟有清濁習有純駁所以
厥生同而所至則不同於不同之中卓然自立不汨於流俗而
銳然自勵以踐形者其惟肖也由是觀之節義者天地之綱全
節義者人之紀誠非平生持守純實鮮不爲昭昭信節冥冥情

行於則移氣養則移體不爲名教中之罪人者鮮矣能完靜一
之操於所居慎取舍之道於所養事上孝以敬御下莊以恩撫
一 孤立業以克紹名門之望者是固丈夫之責也世有冠服丈夫
宜則丈夫也夫何中之所存者絕與丈夫異而釵荆裙布閭然
閭閻之中不動聲色而成丈夫之事者是曰女中丈夫今之能
若是者予於盤溪朱母任安人見之矣安人自名門而歸右族
早失其儀操持出處宛然一丈夫也况風化係天下之急務而
士儒之所樂道謹爲傳以俟○上之采訪也云爾

明嘉靖歲次辛亥仲冬月吉旦

姻生臺門傅中 子正拜撰

賢母朱安人姓宗氏諱富字淑禮婺之義烏人也父曰某以勤

儉克家詩禮彬彬安人幼承靜一之訓懿聲蚤見稱於姻戚嚴
慈鍾愛愈篤慎擇所宜歸者於是同邑朱先生諱大成者方以
文學名宗公遂以安人歸焉先生夙儉清邃平居惟篤志問學
安人善理家事無巨細皆井井有條用是先生得不以猥務瑣
故嬰其心日致力於文藝所造益深主司閱其文清而麗錫以
廩給實安人內助之光也且於先生友朋至視他賓尤加詳密
或訝其過欵則曰彼非庸人擬也其吾君子之取法者也德有
加於君子吾安得以物之故而儉吾君子之仁哉或者嘿亡几
可以成吾先生之德者悉皆傾心爲之雖服飾之美亦不自吝
及丁外艱先生三年不茹葷安人亦齋素如之事姑薛氏克盡

婦道姑遘疾踰月不解帶比考終哀毀骨立不輟歲時敬薦蘋
藜未嘗有死姑之心撫二子長曰衣次曰裳雖愛特甚或有過
咎則不爲掩常曰子之所以不肖者由母蔽其過而父莫知之
也禽犢之愛甘不爲矣或教或責曾不少假幼于裳方髫時疾
趨而躓輒叱之曰汝若安徐寧有是耶凡類此者悉不姑息飲
食常置之座右使有定則亦不迺與以恣其慾甫成童卽誡之
曰見人之善當如已出其成之恐後見人之惡當如已見有深省
之莫忘訓迪於內不啻嚴父之防於外故吾友躬裳生獲爲君
子儒者又皆安人教之有素也御奴僕則恩威並至處妯娌則
和氣藹如幽貞不貳靜言不躁實女中之錚珉者也榮也執經
先生門下安人則師母也况朱氏譜又榮備飾安得以無言辭
敢據其梗槩以爲樂道之萬一云

○嘉靖辛亥仲冬之吉經
雲門生牟榮石泉拜書

○勝四百五十安人金氏節婦傳

余讀柏舟之詩未嘗不撫卷而嘆當今之世欲求若共姜之賢節者幾希謹按

親母尊太孺人姓金氏生於崇禎己卯十一月十一日丑時少負奇慧克勤女紉教即領緒秉性端莊足不履閭聲不外聞甫及笄適我朱宅朝泰翁尊親翁確守婦道奉高堂二闈不少缺其旨相爾夫子調理中饋防維外患者孺人力居多亡何昊天不吊翁姑繼薨并蚤歲失天哀泣之餘竭蹶供事一循家禮遂屏沿華以柏舟自誓困撫孤兒紡績織紉無有暇晷寒燈雪屋備歷艱難孀居二十餘年志操益堅有若歲寒松柏之姿也舉丈夫子二女一稍成章訓以義方敦勉不替識者謂有韓國夫人文忠母氏遺風云迄今森七成立基業漸饒以未老之身而

當丁憂之際養子成家其姜之賢又孰愈乎孺人屆今年五十有三長子一愷娶蔣氏次子一枝幼女爲余男婦忝在東席中備知其詳適朱宅編修家乘固樂爲之傳俾壺範垂於式焉

康熙三十年歲次辛未仲春月吉旦

春侍教生吳日轉頓首拜撰

文英孫亦未字源本係尊謙謙謙中誠並奉高堂一箇小也
賈色孫克禮女孫婿明於謙秉世誠謙且不愧則德不孤而
縣母教太誠人掛金丸垂誠崇德且張十一日且謙
潘洋表家新鄭

念爾德母文君朱嘗不無卷而刻當今文世始未詳其姜文賢

○ 魏氏自正十歲人金丸神誠

聚五氣盛三百六十三周氏安人節婦傳 德學本龔宗徵

間嘗讀治安一策知賈長沙之太息痛恨蓋為天地間所賴
綱維於不朽者惟是忠孝節廉四大常耳予竊以為守節一事
較諸三者尤難夫忠以酬知遇孝以報親恩廉以勵清修而表
內志此偉丈夫優為之至於婦人女子聯異姓以成婚媾皓首
齊眉固大快矣脫或不幸中途喪耦寒夜孤燈輾轉無那念此
身罔依苦來日方長坏土未乾隨致抱琵琶而過別船恬不之
怪者即世族大家往往多有下此而荆布家風益又甚矣若此
者雖曉以大義彼寧身敗名滅棄而弗顧此特偷安於枕簟之
餘歡竟致耻心之盡喪予也生茲季世大有感於婦道之衰安
得一心地光明如天心之皓月者乎安得一矢貞不二如凜烈
之秋霜者乎又安得一持節操如沼內之青蓮出污坭而不染

歷艱辛如嶺表之孤松經自劫而不摧者乎若吾鄉之周氏則
足以語此氏本農家子及笄歸朱生四男子長必泮次允沛
三允河蚤幼允澗行年未滿三十而所天遽殞夫無擔石之遺
揆諸世情必至委群孤覓金夫改絃易轍當壚於廡下矣顧乃
甘守沛國之蕪蔡不改初醮之盟誓安椎髻却鉛華紡紝自給
遇窮志篤備嘗諸苦撐持門戶非七有條男婚女嫁嗟七丁此
年荒徭重金粟俱死之秋一寡婦人經緯其間克立規模粗安
家室能如是乎問諸泉下人當亦爲之含笑矣夫氏以皓月之
心地秋霜之勁節物躬如青蓮茹荼如孤松卒今乙巳二月廿
三辰時享年六十有二此古人所謂蓋棺事定而榆揚宜起時
也但表貞珉心俟諸後日以愧夫敗名喪節而更云夫者

雍正歲在乙巳姑洗月風以人翁賦詩 鄉學生龔宗遂撰

○厲志銘

四明袁正肅公變爲朱左司公作

銘曰

惟古之人焚香夜憤排
惟今之人宗甘心委靡

頑痺不仁十偷生無耻
至其極也醉生夢死

胡不返思道只在是
欲藥痼疾厲志而已

果自厲志其勇無比
當爲即爲有何疑似

我德我崇其我義我徙
如盲還明其如痿復起

敢以斯銘用告士志

右四明袁正肅公爲余先世左司府君所書厲志二大字并所作

銘辭一篇府君夙夜自強孳七不懈力以遠大自期其學蓋得

之徐文清公而正肅公之字畫適徑辭意明白莫非道義之英

華進修之準的得之心而應之手者至今觀之皆足使人悚然
有所興起豈直一家之寶哉世運推移文獻散軼而從子德明
乃能保守而弗墜且連以先達諸公手筆燦然如明星尺寶光
堅赫然照映間雖嶧山遺刻岐陽石鼓未爲獨貴也承旨宋公
既歷爲文識其大畧而德明復俾余書其卷末余捧玩之餘仰
家學之淵源懼芳聲之莫振謹爲書此以識歲月且以自厲云
爾

明洪武十五年十一月甲午之吉其

承直郎前人楚相府長史宗孫朱廉百拜謹識

四庫全書五庫公變

○淵志

誌銘

○明故禮二府君朱公墓誌銘

翁姓朱氏諱儒字良希別號東川其先蒲墟人宋中葉諱宗茂者肇家邑之西門翁始遷祖也與予鼻祖吏部公復同登進士第位合鼎曰元龍者翁五世祖也迨元有諱燦行成七府君者念太守公杰之墓在縉雲鄉因徙焉寶翁之高祖也曾祖諱北祖諱妙真考諱文琮母郭氏自宋元來以仁厚忠孝延世德簪纓蟬聯後先輝映迄今未之有替公天性淳樸器宇恢廓德慧學術足以濟大業而枉石國朝廼志林泉不屑干澤苟祿以趨時好出處去就每於日用云爲動靜占之身負綱常之重不少假借蓋三代之遺賢也隘歛攸居別築室於盤溪之澗居家言貌恂々如閭々如衣冠儼肅未嘗少涉於鄙倍以自侈以定疑

志以靜鎮俗化行風移駿七乎仁厚之里而民之可封也教子
若孫并常稔田若干畝世爲讀書之需必欲其敦本務實知稼
穡之艱難言行不容虛妄服食不許奢華或交非其人痛加禁
絕體父母之心友愛諸弟終始罔有間言蓋孝友朱氏之家傳
以人視東川公則爲難以東川公所爲出於天性之自然初無
有於庸其心者此所以爲善俗也平生輕財樂施凡有當爲不
安近小而忽遠大環鄉之有困乏患難者必仰公以舒其急貧
甚則不責其償若前津要圯壞人徃徃病涉公卽跨之以輿梁
人皆曰優哉朱長者之德乎弟謂有大德者必有大壽柰何卒
年六十有二時成化丙戌四月二十日也痛哉距生永樂乙酉
九月初六日其兆定五都九保夜字上楓塘之原後二十四年
弘治己酉九月二十七日太安人陳氏始卒安人諱端宋安撫

使北門陳炳孫女也性惠而柔嘉端莊而靜一移事父母之孝
於舅姑三族競誦其賢距生永樂癸巳十月初二日享年七十
有八生丈夫子五人賜舉鄉耆生掌廕嵩俱出類拔萃克世其
家女卽愚祖妣太淑人也孫男十五人麒麟麀廩廩麀麀麀麀
象麀大成遊邑庠廩生大山大亨大貞孫女六○長適泃溪趙
次適畷田樓○三適西陶陶○四適川塘方大員○五適松門
龔○幼適愚叔○曾孫男四十人曾孫女十二人玄孫螿七蓋
未艾也嗟夫愚不才不能爲吾父慰翁宅相之望今幸翁餘竊
一命歸拜於公堂舅祖見川公命書翁生卒素履以追納諸幽
若夫○上之爲有道題尚有俟於他日焉

頌銘曰

爰宅其居蕃善以成俗也
爰厝其塋吉以成福也

爰世其德蕃以成績也

賜進士第文林郎江西吉安府萬安縣事

孫華溪東厓虞守愚撰文

賜進士第大理寺寺丞兼兵科給事中

李鶴鳴篆額并書丹

明嘉靖三年歲次甲申秋九月既望

大德聖王

大德聖王

大德聖王

大德聖王

大德聖王

大德聖王

誌銘

○明故樟峯處士墓誌銘

處士諱生字景濂別號樟峯盤溪人也上世家邑之西門有第
進士位居台鼎者曰元龍曰杰政績亨嘉名垂悠久處士爲元
龍九世孫高祖諱北始家盤溪之上曾祖諱妙真祖諱文琮考
諱儁皆潛德不仕母夫人陳氏閨儀整飭一敬作所挺生處士
幼而岐疑異常長則持身正大性氣寬和與物無忤襟度軒豁
不立崖岸恒以直道事人自期絕無驕矜阿媚之態早失怙哀
毀骨立旣襄大事與兄天錫翁汲匕以廸惟先休且念凡考所
植一木一草弗妄挫折事母孝謹或遘疾侍湯藥憂形於色衣
不解帶食不下咽待可而後安寢食敬兄友弟曲盡其道居家
勤謹產業日充旣而兄弟求異慮不能止凡田廬器物之饒美

者任兄弟取餘而後自取初未嗣撫猶子廩爲後擇明範以教
之比成立田園抵舍之所收錢帛之所積委之出入而不較其
盈縮致取羨餘以自私亦不計也繼獲胤胤請異居乃中分財
產無異已出其孝友慈愛尤爲天至善精廬而之學惟以濟人
爲急務外弗顧也里有溪橋圯於泮水行旅病涉則捐已貲以
重成之輕財樂施積德行義宜其幽人貞吉所履有功詎意我
天不惠而奪之速於正德己巳四月二十九日午時以正命終
於家距生正統癸亥五月十二日子時享年六十有七配川塘
方氏賢而乏嗣繼娶濼溪傅氏又繼浦江薛氏德稟幽閑內相
有道子男四長嗣厥次子廩三大成四大山一女適畷田樓
孫男十人昱洛汰衣瀧毛玉禮昇裳孫女二長適本邑三都趙
次適東陽邑庠生昭仁許灃於某年某月川築泉臺五都上

楓塘之原公次子大成明經業登庠舍承廩給屢戰場屋天不
假年資志而沒大成之子裳字孔陽讀書好禮能世家學徵書
墓上之石以昭承德敢為記其畧云復為之銘曰
二五聚精靈嶽瀆鍾靈而維其生也由不愧踐形性融與空
惟其歿也安敢不銘載諸墓首永播于齡
明嘉靖辛亥始陽月既望之次

○明故盤溪南洲先生朱公墓誌銘

南洲先生者吾鄉可士斯人乎哉胡天弗延德而奪之速也卒
於嘉靖丁未二月七日申時越四載辛亥籌營葬事次男裳以
狀來請銘先生嘗與孝子謝樵雲先生韻學訓導龔素庵先生
道義莫逆煥生也晚意氣投分為忘年之交知諒最深言足徵

信情固不能辭爲誌也謹按狀諱大成字時中號南洲姓朱氏
其先歷多顯仕六世祖燦行成七府君者由在城西門遷居縉
雲鄉四都盤溪曾祖文琮祖儔父生悉隱弗耀侗行義著稱
爲聞人妣薛氏幼性志趣正大異於常兒讀書三四過目輒成
記甫十齡父忽遭疾以幼冲之年任成人之責周旋調養晨昏
哀祝天願以身代果格冥疾瘳踰童留心舉子業勤勵誦習夜
每繼晷玩索經傳指意務會極領要醇璞易簡公明沉毅以追
踪先哲爲心孝弟忠信禮義廉耻爲允脩治家勤儉處事周密
無間燕衆言動軌度自閑話詞所出孚由蹈迺不事封植屢空
匱情況油然藐視勢利苟非其人雖富貴遠避若恐有晚寧落
落於世志終勿降屈也丁外艱齋素哀毀殯葬準禮守制不入
房室如服數伯父天錫翁有疾奉養餘月斯須無少離左右旣

而沒痛踊若考善事嫡母方氏安人得其歡心敬愛異母兄弟
致有既分復合之感撫育猶子若已出窘以已產益之教子惟
義方必曰汝曹學先德行敬修禮義以存養此心無使放逸而
已子姓有疾憂恤周濟雖蔬食亦必合諸弟共享助祭得公胙
薦祖考次以頒賜四時常祀齋戒就外寢臨奠必親爲點檢悲
哀涕夷事死如生事亡如存天性純孝然也擔當負荷綱紀一
家望族有競爭得數言解諭至終身慚服義學精葩經得發
解南畿許天爵先生教諭同邑五巖虞正之先生二公之傳生
徒受業門牆履繩蹈矩無間任不仕咸有聲傑文試塲屋勿遂
於荐將賓貢於

天子而疾作勿起矣痛哉距生成化丙午七月七日申時享壽六
十有二娶本邑二都橫路宗氏柔和恭順嚴肅內治若素熟禮

家克副相理生成化巳酉二月十四日吉時先六年卒于嘉靖

天辛丑四月十五日戌時子男二衣有父風娶鍾墟傅氏裳習業

進士娶東陽東隅韋氏一女渭適東陽邑庠生昭仁許澧孫男

三明哲明顯明孫女一淑適本邑東何何榮公於辛亥年七

月初二日偕安人宗氏葬於前鄭之原誌石納幽而系以銘曰

惟自樹有身 惟自雄有文 惟德昭令聞

勤承貞珉 猷徵後昆

明嘉靖辛亥八月朔日鄉貢進士外女甥婿江南駱煥撰文

古于校在飛臺神閣無難赴會亦必合前報共享以祭於公

養之公曰文賢學求新行新時養以春養此必無動於

遊存野合野介文淵神首節七昔已出處又已新益之

而對臨讀詩法善築敵日九進人釋其然必如變與世

○明故杰士三府君墓誌銘

府君居梅溪之陽諱燁字子昭姓朱氏曾祖諱佛寄祖諱彪考
諱程母丁氏府君爲冢嗣左司公五世孫也迨元端一府君諱
炎者自西門遷盤谷正一府君諱時中者又自盤谷遷東朱自
盤谷之遷至府君爲五葉稟性端方志趣磊落塵瑣世事不足
以羈縻好恬退徜徉林下課農稼穡且日事經史充然有得嘗
書張思叔座右銘于几文公小學時不釋手至忘寢食燕親朋
盤盃盃酒之樂叙談終日惟經常要旨無浮語也里有爭競聞
諭輟止充萬石長理賦稅寬緩公平不隨俗而多索鄉人感德
之亦罔敢後期及迺運京師之日雖爲亡賴者竊而卒無所損
也生平養浩然之氣主於集義不少于人處家最嚴內外肅然
毋敢有越度者嘗謂祖宗世以詩禮相承昭昭可法苟財利是

嗇心術壞矣更復何為其言行之足紀多類此邑大夫重公之
 能奉○恩例給以冠帶之榮距生永樂戊戌二月二十日卒於
 成化辛卯八月初九日娶上市戚氏刑于內助兩稱其德生於
 永樂丙申九月廿九日卒於弘治己酉十一月廿七日子男四
 長坦娶丁氏次垣娶楊氏繼胡氏三陞娶賈氏幼圩娶成氏繼
 王氏女一適盤谷丁文玉孫男八鏘鑿鑲鋪鉄鉞肇鑑肇鎮孫
 女五以卒之年冬季且吉安厝上山之原而系之銘曰
 天植其性 身盡綱常 以任人道 以扶天常
 身歸九原 名在四方 百世子孫 體念不忘

明嘉靖二十年歲次辛丑十月之吉 宗姪邑庠生大成謹誌

明嘉靖二十年歲次辛丑十月之吉 宗姪邑庠生大成謹誌

明故權世七府君墓誌銘

公諱圩字正之別號仁里姓朱氏義烏梅溪里人也世家邑之西門有第進士位台鼎曰元龍者公五世祖也四世祖諱炎行端一府君者由西門徙盤谷正一府君諱時中者復遷今居之梅溪公五世祖也曾祖諱彪祖諱程考諱羔悉隱德弗耀樂善行義世稱爲聞人母戚氏有淑行著範閨闈公自幼志趣正大舉止異常初授小學卽曉大義士夫見其侷儻皆異之曰他日爲朱氏亢宗者此子也比長有志光紹事父母供爲子職處兄弟篤於友愛凡家政公役應酬百變了無倦志所爲旣超卓時輩洪基拓業崇文興禮持已待人出于誠懇不爲側媚態以求合于人出言必踐履處事必周詳里族有爭競者釋之以理有不服則以義責之人未嘗有怨者至於拓業必究審平值

曰彼雖出於不得已吾亦欲爲子孫長久之計使人利己吾不
忍也取與必度義可否雖一介亦不妄折閱斗衡必準凡交處
者咸愛而德之遇歲歉則推貲餘以周隣里之貧乏而不較其
償恤患難扶顛連勇於義而力救拯之蓋天性然也嘗誦寧人
負我母我負人之言雖有橫逆之加亦多所含容延師教子諄
諄令踐所學居喪哀毀遵制不入閨闈歲時祭祀必親潔俎豆
臨奠悲哀事死如生亡如存也其素履若是不幸得微恙卒於
嘉靖辛卯三月初四日距生景泰辛未七月初四日享年八十
有一娶本里鄱塘成氏繼永康在城王氏咸克厥家無忝婦道
子二肇鑑成肇鎮王女適盤石丁文熙孫男五沙湖漢汀治孫女
一適赤岸馮沛予忝公外孫姑書公大畧以爲考德之助云

明嘉靖辛亥仲冬之吉 外甥孫昭仁許慶陽頓首拜撰

○明故富七九府君朱公墓誌銘
嘉靖壬寅歲愚奉○勅督撫虔臺表叔南洲先生至自家林出
其先翁樟軒府君狀屬愚銘其墓阡噫不肖方馳騫京華於重
堂之報缺如也今接我翁狀則重堂時復戚戚於心墓銘之責
敢委耶謹按公諱生字景廉別號樟軒姓朱氏烏邑之盤溪里
人愚祖妣太淑人貴介也其先世家邑之西門宋有第進士位
台鼎曰元龍政績亨嘉各垂史籍公之五世祖也高祖北曾祖
妙真祖文琮考儁皆潛德不仕母陳氏公生而岐嶷迥出塵表
篤厚誠慤溫雅端方持身清慎守正不阿早失怙殯葬盡禮與
伯兄天錫翁奮志繼述力扶宗祖元氣恐亡然廢墜是慮故不
屑俗糜以媒利階惟致力一家之政凡先人所植一草一木不
妄折事母順旨得其歡心命仲子大成習舉子業課責尤嚴或

從師遠遊則勉以克苦有成嘗曰窮通有命而學業成否則係乎人又曰人顧立身何如古人負重名於世者未必皆高榮祿也比入邑庠時歸侍養則止之曰汝能讀書有進光我多矣奚事奉養末節即友愛同氣雖不得已而析業財產悉以讓與弟見川公復合於既分之後雖已置業亦任其出納無少秘殖求慰父母崇禮讓篤天倫而已撫猶子廉與已子升不異厥求異居則平分其產人皆難之平生質任渾樸不事矯飾舉措得宜設施有序是非據理曲直分斷里有誣人或爲人所誣者咸德其剖釋蓋所謂賴以坐鎮雅俗者也尤以儉德立身不小爲身餘之費然義之所發指一困與之亦不靳故嘗傾橐駕里橋以濟人之徒涉斥田世爲子孫讀書之需和藥劑以起人死疾或焚人之券或伸屈抑之鳴一切所當爲率毅然不少委里族咸

以佛稱雖不知者亦可想見其爲人矣不幸卒於正德乙巳四月二十六日距生成化癸亥五月十二日享年六十有七娶川塘方氏賢而無出子四長廩係立繼次庶幼大山側室傅氏所出季大成卽庠生薛氏所出孫男六人昱洛汰昇衣裳孫女三長適畝田樓幼適東陽邑庠生昭仁許灃曾玄諸孫將來螯七麟趾螽斯莫可量矣大成輦以嘉靖辛丑十二月二十日復築泉臺於五都九保夜宇上楓塘邪山西向父塋之右嗟夫孝子慈孫孰不欲其先兆哉求其實多不稱正謂無是善而過譽之是妄親也幽明兩有愧矣若翁能介然自守善旣足以豫已惠又足以及人愚爲翁之外甥銘以昭之於法宜得書也

銘曰

嗚呼樟軒翁乎林之材山之峯其迥出於世也障頽之力

澤物之功百世之欲沂其往也哉七乎上楓

賜進士第嘉議大夫提督南贛汀漳軍務右副都御史前

大理寺少卿巡按江西道監察御史

妻美縣志商出爾存爾餘外甥華溪東厓虞守愚撰文

鄉貢進士江西饒州府經歷眷生良山丁昊篆額并書丹

時

明嘉靖二十一年歲次壬寅季冬之吉

孝男大成立石

身處淵田於陰陽東湖也示水脈自指雲霄之流而

出李太丸聯我志藉以而進存思六人足敬太君亦美社

顯式及賞而無出士四身感神在繼天然德大山城望

其二十大有聖出而進次文正氏十二日在學六年亦

以耕稼水田常無可堪其及人矣不名平其五心

明故富世三府君朱公墓誌銘

嘉靖乙酉春予承乏義烏教事閱冬長至謝生金揖而進曰姑夫朱景燼者烏之望人也今年十一月二十三日以疾卒於正寢姑先府君卒於正德甲戌二月初七日涓茲季冬之吉合祔於本郡十保東園祖墓之側其子麇衰經泣拜生請銘以納諸幽生每承姑夫厚期遇以偉器今愧不能副所望致辭乞銘之責乎惟先生賜一言以垂不朽爲幸予以謝生之請重哀孝子之情姑據其述者而道之按君府姓朱氏諱掌字景燼號見川義烏盤溪里人也邑治西門君之世業也左司公君之五世祖也曾大父妙真是也大父文琮是也考儔是也北門陳氏君之妣也本里謝氏君之良配也子男三麇也鹿也象也女適川塘方大員孫男八昊昆杲冕昉滋溶且孫女二長適東陽吳柳次

適畝田樓天祐遯君之生正統丁卯七月十五日遯君兆域東
園祖墓之傍也君資稟英特操履凝重動遵禮度言不妄發奉
親以養志爲先祀先以致敬爲本恂恂乎不少怠至於樹家業
立門戶井井有方畧織息無遺以故家致殷裕乃於祖居之南
築室一區儉素堅樸丹塵不馳深得衛公子荆居室之善內而
父子兄弟外而宗族姻友處之無不曲盡其道者誠一鄉之古
君子惡可以無銘也曰嗟嗟朱君不巍巍鄉表遇事英發
安然不矯樹德既稔天厚厥躬作則斯世胡考彌隆
一釋戎袞東園其藏我爲之銘赫于幽壤

夫米是齋依島文人義烏縣儒學教諭李林松撰文

賜進士第文林郎知萬安縣事外甥華溪虞守愚篆額并書丹

明嘉靖乙酉十二月朔日 孝男 麟 鹿 象同立石

明故石泉貴世二府君朱公墓表

君府諱癩字廷武姓朱氏別號石泉世居烏之盤溪里其先出漢槐里令雲歷七世至晉曰汎者出守臨海徙居邑之蒲墟逮宋曰宗茂者復徙西門及朝奉大夫元龍偕從子金部郎官杰子觀察使幼敏並以進士起家朝奉之曾孫燦自西門遷居茲里曾大父文琮大父儔父生世尚隱德母方氏君沉潛木納篤於孝誠父疾躬侍養湯藥斯須不離側及卒哀毀踰禮足不入內事母色養無違尤謹定省之節處異母兄弟友愛彌至二第若南洲先生方力學事進取而樸庵翁者放情詩酒凡田里戶需君獨肩之無敗事旣而家中旋繁不免析業廩無私粟篋無私帛人莫不難之歲延名士教子姪則日督之盡職弟子而後文學多爲鄉鄰取法是其顛末可據者如此予未可竟與生公

佐氏嘗從予遊一日以君狀至辱爲表其隧道予雖未稔府君
素然吳生善人也信人也奚濫美而爲予誣耶因從其實而敷
之府君生成成化己丑六月廿一日卒嘉靖丙戌八月初二日
娶義亭鮑氏有坤德生成化戊子九月廿六日卒嘉靖己亥正
月初二日墓在本都九保玉宇後祝之原子男二昱洛女一適
泃溪趙孫男三明倫明彩明辨孫女三長適吾東清塘吳君一
節公佐氏考也幼適寶印學諭楊塘駱公煥長子良能嗟夫予
固非中郎筆而府君其無愧郭有道者歟是爲表

明萬曆元年歲次癸酉季冬吉日

賜進士第中憲大夫廣東按察司海南道副使前

巡按河南道監察御史東邑眷侍生震所王乾章頓首拜撰

有主明故貴五十九府君朱公墓誌銘

古者墓必有志有表有特立之碣以紀其德與勲云不忘也朱君府南江卒十有一年將窆于本都上谷巖祖墓季良且不忍考德之遽泯借子婿陳生詔持狀乞余誌其墓悲告不已余憫而識之按狀府君諱象字廷儀別號南江其先沛國人遷烏之蒲墟再遷西門若臨海郡守汎任于晉左司元龍太守杰仕於宋政績詳載郡史簪笏聯代不乏人八世祖成七府君念太守杰公之墓在上谷巖因徙盤溪曾祖文琮祖儁父掌世濟其美皆隱德弗耀妣謝氏鄉賢節推清惠公愷之女弟懿行章七膾炙人口生府君性質直簡重淳厚嘗涉獵經史從舅氏遊得其趣旨敦崇禮讓足以厲世風其事親也孝其奉祭也時其待諸昆也友其撫子姪也慈御婢僕也以恩處里族也和且敬周

貧釋爭甚至橫逆之加亦畧勿與校事兄東塘翁如嚴父雖蔬
食豆觴未嘗不以奉至髮白怡怡無異孩提時歲延名師課兒
且習舉子業箴之曰當學古人崇古道不徒於文詞爲也先文
詞而後行檢甚垂吾望矣慎之且生財有道門祚益昌晚歲情
况悠然不以勢利縈諸懷與外侄虞東厓最契厚嗣公躋顯要
屢以手書招不一濡足以宦邸及以司寇致政歸則厚相迎款
盡歡累日不知倦時或藜杖徐步嘻笑於山壑水湄觀耕玩釣
以舒寫幽懷不知老之將至也嗚呼君其無懷葛天氏之民歟
不幸易簣於嘉靖癸亥十一月十一日享年八十有一距所生
成化癸卯十月一初九日厥配東陽塘森任氏溫順賢淑相翁
理家綽有能聲性行多與君等而里戚之感其惠者稱之無間
言生弘治己酉正月二十日後君一年卒於嘉靖甲子十月十

七日卜於隆慶丁卯十二月之吉合窆焉子男三長滋娶在城
何氏次溶娶義亭鮑氏幼且娶東陽十三都吳氏孫男六明勤
明儉明臯明全邦寧邦本孫女一名廉適郡庠生霧溪陳詔鳴
呼若之後其昌矣君之德其不可忘矣墓獨可無誌乎余不佞
附諸古而銘其墓僭爲之銘

銘曰

嗚呼府君 石磯之傍 上谷之陽 爲爾之藏

爾德孔臧 爾胤彌昌 我銘諸氓 曷維其亡

義烏縣儒學教諭前

金府華儒學訓導

廣東增城謝表撰文

賜進士第中憲大夫知揚州府事前

兵科左給事行人司行人

兵部主簿... 眷侄孫華溪紹東虞燁纂額并書丹

明隆慶丁卯十二月望後七日 孝男且 孝孫邦本全立石

○明故梅溪敬齋桂七十五府君朱公墓誌銘

公諱肇鎮字元定別號敬齋烏傷梅溪望族也生弘治庚戌二

月廿八日卒隆慶丁卯十一月初七日安厝於張山之原厥冢

湖君謹奉公之行狀來丐銘余雖不文謹按公出朱姓其先系

采賢厲志先生之玄孫曰時中者肇家梅溪曾祖程祖祥父圩

母王氏生處士崇氣清淑眉目明秀抱負貞白業紹儒芳交接

無譖峯峻介有耿行作事一介於古持心專主於敬故名號曰

敬齋詎虛乎哉公幼時書史未遂名乃身綜家紀特達個儻剛

方正直明取舍踐然諾事父母備敬養溫清定省間有缺失處

家庭盡友愛慈惠寬恕未嘗或侮至若和妯娌決紛爭勸悉鄉
閭子弟以爲善被其化者翕然悅服宗祠未建卜基聚材鳩工
以落成之俾四時祭享永傳勿替捐貲捨財以恤孤寡修葺宗
譜以統屬族幸天永其壽而親見嘉績之有成也享年七十有
八配下顛陳氏生弘治乙卯七月十五日卒萬曆戊寅十二月
十四日合葬於公焉生四子長湖娶許氏次漢娶陶氏又次汀
娶許氏繼吳氏幼治娶楊氏皆各族女適赤岸馮沛孫男十七
人良策良材良晉良祠良棟良範良楨良榜良樞良梅良樞良
梓良彬良榛良栩良槎良柏孫女二一適吳松所守備倍磊陳
九霄一適余長子朝臣嗟夫以公之才之美俾沾一命之榮則
其所効豈少補哉乃至晦迹丘園而弗克宦達良可悲夫余故
閱公行狀乃刪其繁次第叙而爲之銘

銘曰

梅溪之原。鳥之上族。粵稽諸古。聲光益振。

迨至于今。勿殞厥聞。猗歟我公。克繼宗風。

才行端肅。勿愧聖功。雖居田里。蔑境從容。

張山之原。瑞氣所鍾。青鳥子曰。吉兆協從。

公藏于茲。後昆益隆。

明萬曆乙酉仲冬長至吉旦

邑廩生鳳林青口眷生澤吾王大濡撰

○明故右川智百九府君墓誌銘

歲在乙酉予以母憂旋歸故里時朱君邦誠因余叔過我踞請
曰先君卅三年不獲掾筆一銘不孝深甚丐大夫一言以垂不
朽予以不文辭復請曰大夫以文章魁天下若家以孝聞爲政
以孝理畿輔蜚聲江川濯錦所按仁人孝子比戶可封皆大夫
賜也今獨於邦誠靳恐非陶鎔益心也再辭勿獲按狀而誌之
處士諱涑字元清別號右川姓朱氏我烏傷著族也曾祖諱光
祖諱虎考諱鏐俱隱德弗仕母吳氏宋進士左司郎朝奉大夫
元龍十一世孫也賦性恬退秉心剛介寬平純篤不留心仕進
幼孤方寸齡遂克供子職無忝厥孝比長堅成立志以義命自
安以勤儉自勵家業甲鄉邑猶卑以自牧視有若無居常惡衣
惡食裕如也處兄弟孚誠藹然自髫齡至皓首無間言撫諸孤

姪無異已子有逋負者輒焚其券鄉有不平曲爲解釋偶當橫
逆之加或以情恕或以理遣大約有古人風距生正德戊寅八
月十一卒於萬曆癸未八月初五日享年六十有六卜今年十
二月之吉安厝於本里陳桑園之原卯山西向配東陽范氏聰
慧慈淑曲盡婦道子四邦誠邦誥邦訓邦諒女一適洞門黃惟
一型孫男十五人孫女二長適予弟高幼適大玄吳乃爲之銘

銘曰

德義在身

子孫承焉

德化在人

鄉邑行焉

天佑善人

福慶流焉

勒書鐫珉

銘永徵焉

明萬曆十二年歲次甲申季冬吉旦

賜進士第中憲大夫知江西袁州府前巡四川監察御史侍

經筵講官同邑眷制生養純虞懷忠頓首拜撰

○明故元百八處士墓銘誌

萬曆丙午歲處士安厝於清湖邊之原其孤應達輩以先君塋
碣未有鐫文迺泣血而扣余言之以銘不朽揭潛秉幽人子職
事余深嘉之雖庸末無文惡得辭哉按處士諱次呈字汝祥見
川其別號也其先世宋左司郎元龍公之後自西門而遷明義
鄉爲孫塘里人性質精明氣宇稜厲志量寬洪次襟慷慨不持
孤高不徇流俗內應孝友外接謙和賓士朋戚及門款納極慤
洽有倒屣風操綜有條出入有經是以家計日饒厭其居宇湫
隘遂謀諸伯兄大龍鳩工聚材鼎創堂宇美輪美奐烏革暈飛
封以磚垣甃以堦石構堂一新而頌改觀者聲噴七矣凡夫堂
之席座器具規制式備咸處士拮据之力爲若多也且延師開
塾課子姓以義方封殖腴畝命佃僕以作息不惟爲守成之肖

子而抑且爲創業之元宗矣若翁者可謂出人頭地之偉夫也
歟距生於嘉靖甲寅九月十九日卒萬曆丙午二月十六日丑
時厥配陳氏綽有閩德另載行傳子男四人應遠應達應迂應
遼聰敏英俊雅飭溫純孫男繩上咸岐疑不凡法當全書而繫
之銘

銘曰

勝地毓秀 豪傑挺生 卓克先哲 惠貽裕後人

安斯泉壤 妥爾厥靈 勒茲珉石 發千古芳聲

明泰昌元年仲冬之吉

鄉進士知州 眷生金宗煥頓首拜撰

○ 明泰昌元年八月 鄉進士墓誌銘

○明故琦二百五十五府君墓誌銘

萬曆歲在辛丑季冬月下浣之吉琦二百五十五府君納諸幽
窆在東樣山之原諸孤子良彬輩衰經泣血而扣於余曰不幸
先君窆安墓石未獲鑄文懼其汨沒芊莽人子中天之恨願乞
一言以賁泉壤耳余曰揭潛炳幽人子道也因德闡善道之公
也余不敏文之恐不足以垂世誼屬嫺雅不得以蕪陋辭按府
君諱治字惟修別號清溪稟慤醇厚氣宇和平襟期慷慨落匕
不羈立心以明鏡止水視於躬以喬岳泰山生平剛介不畏強
禦不負鰥寡賓戚踵庭者有倒履之風款之必慤洽座談謦
率以古今名物雖言及終朝初無荒唐句且敬承先德若創理
公祠以身先之此心惟綱常自負雖焦勞弗恤雖費已勿靳至
若好予樂施人咸德其周急之惠排難解紛人咸德其藥石之

劑庭訓子姓悉以義方其立心制行大都類此噫府君之爲人
可無媿衾影者歟公距生於嘉靖丁酉九月十三日午時卒萬
曆己未七月廿四日午時厥配楊氏安人孝敬內睦淑靜溫柔
克敏內助生嘉靖辛丑十二月初二日午時卒萬曆乙未十一
月十九日合曆右其子男五人良樞良樞良彬良栩良槎咸勤
敏自持敦崇古道悉賢肖起家者孫男十人皆特達不亢公之後
有足慰於九京之下矣余不敢孤其請僭而書之爰系之銘

銘曰

其生也順其歿也光置之佳壤秀發其祥

一靈是妥奕世其昌自茲萬古令名猶香

明萬曆庚申孟冬之吉歲進士眷生澤湖王大頊頓首拜撰

○明故琳八十處士墓誌銘

東婺之墟恒有隱君子出其間而世稱尚百年不衰若朱處士
諱承訓字叔教別號梅源者真其人哉乃琦廿九翁之四子也
距生於嘉靖戊申十一月初十日子時卒於萬曆庚子九月十
一日卯時埋玉於馬鞍山之原孤子世清輩懼先君之厝未有
鐫石汨於芊莽請余言之以誌不朽余乃辭弗獲按狀處士之
行得其所長者性大剛方心地仁厚辭氣正直不事邊幅宗族
稱第黨里稱和絕跡公門徜徉泉石葛巾野服淡如也至若款
賓納戚咸以禮意周之初不設城府意訓子姓惟耕鑿而食所
謂忘帝力於何有處士真其人哉厥配蔣氏有賢德稱內助之
善者子男三人世清世海世淮子婿一赤岸楊恩孫男六人宗
麒麟宗政宗尊宗恩宗惠宗志法宜金書復繫之銘

銘曰宗尊宗恩宗惠宗志其宜全善與樂文雅

善美天生斯民世惟其德馨誠鄉稱者善其德懋公平六人

人以此傑亦地亦厥靈人鞍山宅兆萬古芳名

明泰昌庚申仲冬之吉邑庠春生馮文佑頓首拜撰

飛龍窠里辭味餘福公門辭新泉不意中理則效

祥祥其德身澤聖大剛太公此二氣精氣五血不事

論亦味然萃養辭余言文以益不計余改籍中藝

一日水部聖正外無難山之氣脈于世青草對

強主然最融知申十一廿歲十七日七親卒外

精承臨字姝姝限幾辭感香真其人始改辭并

明東變文聖神春蠶結子出其世而世離尚百

○世始林八十數士墓前繪

○御塚亭記

大宋景定二十九年甲子十二月二十七日致仕朱公元龍卒
邑宰林桂發謂各臣之士不可泯隱具申司府轉奏以

聞越明乙丑正月十五日

欽差工部主事呂明顯營其墓於浦陽縣靈泉鄉雙溪口之陽
建亭於本山之原桂發承命復經營其事甃以石繚以墉壯觀
以石獸樹碑有亭神道有門華表有柱如命也以是年九月二
十七日告成而歸窆焉附以父承議大夫公子幼學以余與公
有同學之雅具述其槩而謁予記其墓圻余維國之待臣終始
一致德在所崇功在所報生則寵賜之死則葬祭之非獨示朝
廷之榮寵且爲天下後世臣子勸也公婺之烏傷人就業徐文
清公僑葦正猷公燧之門會朱陸之異得道學真傳生當三公

之時起於三公之後慨然有志三公之學發軔巍科以雄才偉
畧爲聖明倚重屢反疑獄全活誣枉隆功盛績顯著於時轉拜
資德大夫兼左司郎官立朝幾三十年義膽忠心昭耀日月因
忤權相而志不少降遂以朝奉大夫致仕公生也旣膺寵錫而
累建偉績於卒而葬也而祭在公非爲過也崇德報功之盛典
也在朝廷非爲私也爲天下後世臣子勸也予知是塚之營憑
夫愚婦亦將謂公之德何如其大公之功何如其豐清名偉望
幾與一公並駕而同稱與大地悠久而弗磨矣

大宋咸淳元年歲次乙丑秋九月吉

賜進士第朝議大夫宗正丞姻友華溪虞 復頓首拜撰

大宋景武二十六年甲午十二月二十日癸丑未公大壽卒

○宗先妣夫人陳氏壙記

先妣姓陳氏諱靜貞父距母游氏婺義焉入年十九歸先君憾
弗逮事舅姑唯謹相以勤儉力勉龍韋於學生理差宜少佚而
勞勩自如祭祀賓客與凡靡密一以身親雖縫紉亦不他屬生
平無疾老益康強有忤意不見於色天性惻物每迎養聞厲聲
敲擊輒叱止見寒餒者亟欲拯之或窘於索則隱焉若不終日
鄰里姻黨皆以佛稱元龍忝癸未該證推恩孺人及慈明慶寺
封安人先君諱適之贈通議郎子男一元龍朝奉郎新差台州兼
管轄內勸農事桂發浙漕免解進士孫男六人幼學國子進士
幼敏幼特幼成幼聞幼明孫女五人長歸迪功郎新進士東隄
總領所准差韋從次歸迪功郎新差監徽州戶部贍軍酒庫樓
晏進士劉子麟施森一尚幼曾孫女未行生於乾道丁亥五月

二十八日享壽七十有九一夕命酌就寢動止語嘿不異常時叅
明忽疾邀醫至而疾不可爲蓋淳祐乙巳正月二十七日也天
乎痛哉明年十月丁酉葬於龍祈鄉八里寺山行狀丐銘此不
孝孤責也第母氏嘗曰我生何善可書死而請銘非我志也用
是忍死誌其梗槩納諸壙云

孤哀子元龍泣血謹書
孫婿迪功郎東窓總領所准備差遣袁從填諱
卒無恙未益氣超百神意不見然也天封山神每賦發閱顯
榮饋自收祭無實容與凡親齊一以良縣雖錄亦不於亂
非數年與故執事以禮命之煥諸輩效學士聖堂耳也判而
武地校刻以爲精貞父祖世世力變難品人爭十六歲去其
○宋武地夫人新及燕時

○時思庵記

河南道監察御史虞君守隨過予楓山精舍談道崇朝予喜其學銳見周嘆曰魯無君子者斯焉取斯虞曰鄉固多君子請誦其尤者一人焉隨婦族朱君天錫氏者勤學務踐實不慕仕進而隱居以養親當其親之存也溫清定省無所不用其力及其親之歿也春露秋霜無時不致其思故結庵於墓左以致其哀因額之曰時思嘗囑隨請言於大人先生幸先生不以爲鉛槧辱乎予曰噫夫人子愛親之情固罔極然親往而情爲之不殺者幾何人哉故曰五十而慕者惟大舜爲然朱君於親之旣歿能時致其思而無存亡之或間又大舜後之創見者也予復有論焉詩曰明發不寐有懷二人可謂之思矣然不越思其親於將亂之時而未足以爲時思也禮曰思其笑諱思其居處思其所樂

思其所嗜亦可謂之思矣然不越思其親於奉祭之時而未足以
爲時思也至於所謂父母歿將爲善思貽父母令名必果將爲
不善思貽父母羞辱必不果然後時思之道無以加矣外此無
他求矣使朱君之思實能於是而加之意焉則其思也不徒思而
子之請言與予之立言均不徒矣於是虞君稽首謝曰美哉言矣
不足以記斯奄歟遂命書之以爲朱氏歸

明正德庚辰秋七月既望

賜進士第嘉議大夫南京禮部右侍郎致仕前

南京國子監祭酒

郡人楓山章懋撰文

○宋朝奉大夫祠堂記

邑南四十五里曰東朱家西祠宇峩然乃祀朱公元龍而爲之者也公之先有臨海太守汎東陽太守垣楊州刺史劬金威將軍禮傳世赫奕至公登宋嘉定進士歷官國史院編修兼左司郎中進階朝奉大夫政績丕著爲時名臣我朝督學憲臣嘉公德業久已奉祀鄉賢矣今十五世孫肇鎮念及邑行祀典雖已褒忠悃而家未有廟無以展孝思况自蒲墟遷西門復遷東朱歷年已久而族屬散處糾合爲難乃謀諸子姓捐資而建焉爲正堂者六楹前廳如之旁立兩廡外爲大門堂首立公神主後齋堪祔者以次而列左有三殤室右有庶母堂其祭品庖馐備於門之左右烏革暈飛足稱雅觀矣祠旣成伐石立碑徵文於余以示後余忝朱氏甥孫也年雖衰耄詎以

不文辭欽惟祖廟之設其來久矣虞夏肇端至周大備上自天子七廟下及官師降殺以兩後增以文武世室無非爲尊祖敬宗之計而教天下以孝也然友以洽同氣慈以逮卑幼咸於是乎備焉聖明馭極達孝昭垂九廟鼎建寰宇快覩祀典之行下周臣庶無以體文武建極之盛心而生民之沐化也久矣今朱公崇祀鄉賢已沾

聖澤固後裔之所欣幸也肇鎮乃復倡其家衆獨立宗祠以祀公每當春秋祭致于姓咸集執事有恪具乃粢盛潔乃牲醴以致祖考洋洋來歆來格迨乎祭畢而燕禮度周詳謂非識達古今而卓爲時望乎其志行之大可嘉也凡茲來裔尚知永其孝思善繼善述祭祀必以其時修治不弛其志內有抱志奇偉自勵詩書由是掇巍科躋顯仕政績播揚克紹前緒則朱公之後箕

裴有人而嗣孫立祠之意亦不爲徒矣否則先德謂何而顧可
自委耶是爲記

明隆慶元年歲在丁卯孟春吉旦

賜進士第南北大理卿轉刑部右侍郎致仕

恩進階資善大夫前右副都御史巡撫江西眷生虞守愚撰

東朱十五世孫肇鎮立石

○梅溪孝思堂記

天下之道孝思而已矣孝乃百行之原思實作聖之功能知其
原而盡其功君子其庶幾矣乎烏邑梅溪朱氏裔出宋左司之
後其來尚矣而忠義感激又足以佑啟後人今額其祠曰孝思
堂嗚呼堂額孝思孝其先也思其先也堂之者何安若靈也創
之者朱君元定也從之者迺姪世鴻世法也試觀祖之於孫有

燕翼之謀孫之於祖有不承之責以是謀也與是責也祖孫均
之矣作於前而不知感於後則謂之不孝不孝非順孫也慕乎近
而忘乎遠則謂之無思無思亦非順孫也春露秋霜聿起感慨之
心孝思固有其時燐蕭灌酒悽愴之恨尤切孝思則無其地矧
於貽燕之身等爲空虛之幻欲觀音容之莫及徘徊躑躅之下
憶快追慕之私曷有紀極耶此元定斯堂之所由建而孝思之
所由額也歟古人蓼莪之咏所以彰其孝羨牆之見所以甚其
思誠哉孝思之屬人切矣詩不云乎永言孝思孝思維則元定以
之時或過而矚之將指其堂曰此某之樹指其神曰此某之先
也孝仰之懷又將油然而莫之遑矣噫嘻元定之孝思固由於天
植抑不知斯堂各元定之孝思各斯堂乎婺之彥士貌古而行
方量洪而器偉蓋可與進者也况烈祖忠義之遺則今日孝思

之徵矣予也目擊盛美爰馳頴表以爲記

明嘉靖辛亥季冬月哉生明括倉縉雲後學石泉牟榮頓首拜撰

贈詩

○贈左司朱公厲志先生手卷

康朶仁

金華佳士文公裔

襟懷洒落丰神異

婉如美玉潤無瑕

又若清冰絕塵翳

少年讀書承世澤

祖風遠紹能勵志

吾古一門七葉興

兄七弟七人材濟

難兄居官獨忠赤

紫綬金章耀當世

難弟居家盡孝思

綵衣日向親庭戲

第來省兄遠千里

義重連枝與同氣

高原晴日悲鶴鳴

春風和氣敷棠棣

早朝回首望白雲

白雲歛感思親意

促裝七月別我行

我時惜別金蘭契

西風颯七明征衣

黃蘆瑟瑟添離思 臨岐且盡酒一杯 更把新詩祝君記

青山疋馬莫遲留 早謁庭幃勤奉侍 雙親問兄撫邊氓

為設牛刀期卧治

○又 樓前照

白髮青衫乞引年 聖君恩澤浩如天 手承勅制仍冠帶

家賜衣金及御筵 共羨光華千古異 終期旌表一門全

明年海子荷花發 准哩飛符到日邊

○又 興文簡

觀天爵尊榮人爵輕 臯夔周孔亦虛名 山為小室惟增價

終老襄陽不入城 春到藥苗隨日長 天旋玉骨夾山青

無端肉食何為者 願乞清溪去濯纓 學不泉羊身勉首拜辭

○又 李忠

積善傳家舊 功名冠世豪
平原滂雨澤 嶺外息風濤
綬拜恩金盛 傳杯道義高
嗟予緣世隔 安得日陪叨

○又

李大用

朝冠才行出人群 無忝江南第一人
今喜辭榮歸故里 曾看對杖讀彈文
紛七楊柳都門雨 冉七帆檣浙水雲
我有草堂三邨上 何年重賜沐恩深

○又

李正

大沐天恩復故鄉 烏紗白髮耀秋霜
朝衣舊著原無忝 鸞誥新頒益有光
千里雲山迎去馬 兩京冠蓋送歸航
二謾說當年事 何事於今治道昌

○又

陳關

幾年簪筆侍彤庭 歲晚歸休荷聖情
驄馬舊乘風紀肅

龍章新賜寵光榮
天邊鵷序羞分侶
溪上群鷗重約盟
組帳都門多冠蓋
三疏爭許羨高名

○又

黃勉

玉瓶斟別酒
千里送歸人
山際世昇平
久為官趣味真
錦衣忻致仕
白髮信蒙春
猿鶴應相慶
山林有老臣

○咏朱氏宗譜

蜀山樓養正

梅溪分派自丹溪
無限餘波溢大隄
浪煖春鱗頭角變
風高秋鶴羽毛齊
九原烈祖思垂統
百世聞孫得肇基

寄語後人須努力
孝門便是上天梯

○贈梅溪朱孟威母詩

宗人朱子英

玄黃之間
秉氣凝神
神氣所鍾
秀毓令人
男則忠孝
女則貞潔
所守為德
不貴傾城
所謂伊人
浙河東區

古綢梅溪 朱氏世居 至孟威氏 事親養志 彩侍踟躕

饌極甘脆 母享高年 綠鬢童顏 古聞王母 今見塵寰

如松之盛 如蘭之馨 如川之至 如山之增 左之右之

子孫養之 右之左之 宗嫺仰之 帝賜高年 加之粟帛

夫人拜命 舉手加額 母老子孝 帝曰可旌 山谷增光

人皆為榮 韋布之士 筆硯是恭 適睹盛事 歌頌時雍

○又 本色儒學教諭宗思濬贈

朝廷優詔下 老者賜衣糧 朱母躋高壽 皇恩寵錫光

翻匙明玉雪 被體益春陽 嫵媚桑榆景 零瀼雨露香

優游逢泰運 強健坐高堂 福祉應駢集 期頤更樂康

蒼顏時煥赫 白髮日垂黃 三子森成列 諸孫騰作行

梅溪流自遠 繡水擅孤芳 獨愧才疏劣 何能為發揚

○又

東陽儒學教諭李愷夫贈

詩禮傳家有孟威
梅溪築室奉慈闈
春深竹筍當堦綠

潮落江魚入饌肥
取寵每懷毛義檄
承歡謾舞老萊衣

他時孝行聞金闕
畱取芳名太史歸

○又

剡溪儒士蔣克新贈

家住梅花溪水濱
構堂溪上奉慈親
饌多白匕江魚美

庭有翻匕彩服新
鄉里推尊爭獻壽
朝廷優老重頒恩

從來六節惟忠孝
不日行看贊史臣

○又

宗侄朱全

吾宗築室梅溪傍
山明水秀草木芳
故知地靈產英傑

才華邁古異尋常
堂上慈親八十餘
娛情日帶班爛裳

欣遇聖朝善養老
恩賜幣帛與膏糧
滿堂孫子歡舞蹈

鞠恭上祝如賢母
幸看白屋沾恩澤
更喜高年福壽康
噫嘻最是子孝順
方知二美永傳揚

○步孟威朱君自述
鄉進士同里馮大綱贈

朱子年高正八旬
未期聘召駕蒲輪
喜逢天上黃麻詔
遍賜囊中白髮人
雲子飯炊大倉米
霞觴酒泛禁城春
荷肩布帛同頒惠
飽暖時時感聖恩

○贈敬齋朱君高隱
學諭江南駱煥

仁里山中一葉煨
啗芝翁與日徘徊
誰人避險離槎去

終日登高踏月回
綠鬢惺忪催暮景
黃花點點照浮杯

梅溪三徑松篁處
蓬戶簾籠暉映晚

○又
縉雲羊榮

卧向崗頭枕草衣
指揮今見此男兒
律身不愧三千牘

種德偏存方寸基 世譜重光明統系 先祠傑構起追思

法家事業知多少 一力綱常信有為

○贈梅溪秀峯朱君號 宗人泮雲天相

本是炎州五指峯 誰移一指到稠東 縱橫太極拖銀帶

帝降天峯插筆鋒 玉笄日懸紅駐瑤 翠薇雲歛碧芙蓉

先生奪盡江南秀 肯獨佔烏傷第一雄 學備五南都

高岸亦南河 願聖恩

感則雲中白雲人 雲于贈地大食米 雲翻西云禁地春

未于乎高五八師 未堪艱合為蕭劍 喜發天上黃水臨

○遊孟頫朱君自遊 飛燕士同里無大雁韻

勢如崩長千峯孤 衣袂二美衣舞林

離衣土跡欲買掛 幸沐白雲故恩教 更喜高平斷壽銀

輓詩

○輓恩師南州朱先生

門生縉雲羊榮拜 挽

先生偉器斯文主 滿擬儒林百世宗 天上有徵揮翰筆

人間無路覓僊踪 夜寒燈火花頻落 烟冷門牆草欲叢

自是蒼冥元氣薄 不禁涕淚灑西風

○又

本邑蜀山樓養正 次

可憐有志希賢聖 未遂登名耀祖宗 萬里彩雲空絢色

二庭丹桂繼芳踪 生前聲動香芹泮 身後風號野樹叢

聞訃未能匍匐吊 令人嗚咽仰高風

○又

本邑郡庠生胡瑞 次

婺州曾遂荊州望 心慨平生未及宗 偶遇石泉詳素志

始聞夫子滅行踪 可憐剛大三才夢 深惜文章一樹叢

休訝食君難瞑目
南枝丹桂可承風

○又

本邑傳中
次

文星一夕天中暗
哀動儒林失所宗
賦記玉樓曾有約

聲聞泮水杳無踪
桂花零落秋霜早
古道淒涼荆棘叢

回首盤溪溪上望
白楊蕭瑟起悲風

○又

縉雲卅川羊文輔
次

力學當年成大器
黌宮天祿早榮宗
風雲正擬酬佳志

塵世俄驚杳舊踪
日暮愁烟凝遠樹
春深哀淚濕芳叢

冥七謾抱九原恨
有日焚黃播德風

○又

東陽許夢陽
次

壯歲游芹泮
老學為儒宗
一宵成蝶夢
百世杳塵踪

勝牽煙柳斷
淚泣露華叢
芳名空到耳
不得接英風

○輓師母宗安人

門生雲縉羊榮拜挽

陰柔爭見人間並 擾七誰能振母儀 味已藿塩甘雅素

課兒熊胆熟吾伊 塵蒙錦杼乾坤老 冷透香帟春夢遲

拜罷靈筵追聖善 西風斜倚淚交頤

○又 本邑蜀山樓養正 次

幽靜木為君子配 三從四德足刑儀 女中堯舜知無再

月裏嫦娥伴有伊 菱鏡臺空塵漠七 瑤池路杳夜遲遲

應知人子同人母 訃信傳來泪滿頤

○又 本里嫺生謝滿 次

朱母懿德何所比 清侶梅花潔似冰 當今只解色傾城

誰識箇中有麟趾 治家更喜儉且勤 勤儉不特宜家人

喚起東鄰夜績麻 沾醪剪髮娛嘉賓 教子讀書勞子力

時加勉勵如機績 朝朝暮暮向機頭 尺寸可以成丈疋
歲時廟貌薦蒸嘗 被之僮匕晨趨堂 亞獻齋莊奠何物
淹菹細剪溪毛香 徐步看萱萱沃若 擬向萱前永歡樂
西風一夜自天來 綠葉叢叢轉蕭索 今朝起視北堂前
眼界不是桃花天 舉頭望天向天泣 天昏地黯愁寒煙
吁嗟痛殺二賢子 驚回殘夢猶疑似 母儀千古足儀刑
身死芳名渾不死

○輓敬齋處士

同里王府典膳兩湖駱煒

挽

鶴歸華表已多年 留得芳名是處傳 范氏庄頭田數畝
孟嘗門下客三千 清風竹葉閑吟甕 明月蘆花冷釣船
獨獨門庭春不老 森七蘭桂滿堦前

詞

○哭敬齋府君哀詞

宗第裳

兄之少年兮吾尚未知兄之壯歲兮吾造其廬知兄之任重兮
亦道遠兄之晚景兮秉德不移兄之生兮樹表儀兄之云亡兮
全而歸哲人之萎兮梁木摧泰山之頽兮吾深悲

宋朝奉大

○讚曰

惟公生當宋世

虎榜名揚聯登

仕路敷治京邦

釋冤剗弊民獲

安康忠誠體國

政績無雙鄉賢

並祀燁乎有光

拜瞻遺像于載

流芳

宋朝奉大 夫厲志朱先 生遺像

監察御史宗孫朱文撰



西門朱氏重修宗譜

宋 觀 察 推 官 行 甫 朱 先 生 遺 像

○贊曰

聖明簡僑理刑

臨安剛方毅直

持心坦然不撓

權勢表表有年

筮仕厥始祿養

終天法像肇則

萬載斯嚴

戶科給宗人肇撰



梅溪相一府君遺像

○贊曰

謂公處耶頭戴

烏紗謂公出耶

身若煙霞蓋由

積善而致遐齡

荷

恩典而享光華

噫斯人也必受

天之慶而百福

重加

本邑儒學教諭陳中立撰



百門未氏重修宗譜

二

孫塘洪五府君遺像

○贊曰

惟公雅操德性

和淳處事慎密

才行出人孝義

廉介桂蘭森匕

積善傳家閭里

人欽鄉鄰頌德

車沐

聖恩丹青遺跡

善繼後昆

楊仲仁贊



○贊曰

洪才擅長河名

傳古今百年

作室天直斯

人非榮頌美

嘖嘖其聲允

也豪傑賢於

上哪博施濟

衆美政猶存

凡我本支念

茲於心

像

泮塘朱源謹贊



○贊曰

有翼其容膽

者起恭藉匕

口碑鼓瑟春

風表正仁壽

率先我躬義

路禮門尼山

正鵠數仞宮

墻亭槐盡綠

不伎不求何

用不足

泮塘朱源謹贊



本 四 府 君 像

梅溪 林 府 君 遺 像

湖海身十稜
 素無可林
 酸醜于海
 字長天
 才古中春
 變欲翻白
 碧香亦

○又自保自和

○抑勤士無大剛養

○初與若短匹與支同好

○與輝其萃許堪望蘇林

○以書史曾不於他世

○所與計為難知難用之

○聖册太平之益滋觀外

○身存而後古而歐而




○贊曰

色蒼而貌古詞溫而氣和年高而德邵顏童而髮皤幸生乎
聖世太平之盛遂隱於梅溪山水之阿友麋鹿躡雲霞之
兩履侶魚蝦披煙雨之一簑班衣甘旨得以安夫奉養青
燈書史曾不倦於切磋享期頤之未艾積善德之實多家
庭敦其孝悌鄰里務在雍和吁古人謂隱不遠親貞不絕
俗庶乎或可與之同科

鄉進士馮大綱贊

○又府君自咏

予覺天年七十春
髮鬢皤白性存存
偶逢良士裁紈素
寫下蒼顏遺子孫



梅溪森二府君遺像

○贊曰

貌之恭肅然而莊儀

之偉頎然而長色溫

而言厲智員而行方

衆推耆老預聽麥丘

之政時際昇平閑居

梅溪之傍著孝友於

家播善譽於鄉子孫

遵其教令兄弟齊夫

壽康吁若人者可不

謂鍾山川之靈與夫

乾坤之秀也耶 鄉進士同里馮大綱贊




○贊曰 蘇軾 蘇軾士同里 蘇軾六 蘇軾贊

杰 十 三 府 左 遺 像

矍鑠哉是翁心典夫
仁而貌恭身雖下不
處乎同俗志實齊夫
超乎凡庸惟其千祿
餘慶之所積以文然
致後徂之重重國景
噫嘻此誠 蘇軾 蘇軾
聖世之逸民享 蘇軾
福祉於無窮 蘇軾

○贊曰 江南駱煥撰



權 廿 七 府 君 遺 像

Vertical inscriptions in columns, likely biographical text or a eulogy, partially obscured by the portrait.



○贊曰

正之翁德之賢心好善行以全
年耄耄壽綿綿有餘慶子孫賢

進士趙勝撰

府君自咏

自嘆無聞七十三

精神衰老鬢皤然

乏物延賓知管鮑

賣金教子慕曾顏

鑿石爲塘防歲旱

開山作畝活生涯

良工瞻我年衰貌

寫下蒼顏遺後傳



桂 七 十一 府 君 遺 像

○贊曰

狀貌肅然器

宇弘深才堪

理劇智克糾

紛居家以孝

友著立身以

剛毅名善行

之槩博而允

協乎鄉評

贛州學諭龔象贊



百四十六 重修宗譜 卷之七

七

桂 七 十 五 附 君 遺 像

○贊曰

公以純篤之質敷遠
 大之志既毓德於乃
 身復垂緒於後裔倡
 建宗祠修明譜系誠
 格神明廟堂並治克
 振祀產有為克濟琴
 瑟和鳴耄耄欣喜羨
 爾桂蘭庭除濟美鳴
 呼此公足以克紹乎
 前修而貽休於百世者歟
 鄉貢士雲豁鄭惟明讚



智 百 九 府 君 遺 像

○贊曰

公之生也歷艱辛
而崛起公之性也
極樂善而好施公
無尺寸之遺而創
興巨萬公俸錙銖
之積而利濟多方
且其受天之報生
四子而誕孫十六
衍人之慶昌厥後
而胤祚無疆

邑岸外甥孫虞起蛟頓首拜撰



琦 三百 五 府 君 遺 像

○贊曰

容舒而恭貌肅

而溫公直由于

性秉處世得其

和平當年服其

剖斷後世慕其

如春

邑庠外甥孫虞起較頓首拜撰



琦 三 百 四 十 五 府 君 遺 像

○贊曰

容貌端嚴器

宇豁遠秉性

慈祥為善最

樂年高德仰

恩榮帛爵允

為聖世之逸

民展也後嗣

之昌發

邑庠外甥孫虞起蛟頓首拜撰



琦 三 百 七 十 六 府 君 遺 像

○贊曰

惟公雅量

器宇弘深

處事縝密

孝友聲聞

積善傳家

慶餘後昆

邑庠外甥孫虞起
蛟頓首拜撰



琦 四 百 十 一 府 君 遺 像

○贊曰

惟公誕生聖世心仁
而泰貌肅而恭行方
而直言員而通持身
超乎儕俗處世合乎
公同鄉評推其雅量
邦邑表其芳踪其懿
行風徽流傳奕代宜
其餘慶所積致後胤
之重也今也顧瞻遺
像儼然霽月光風

邑庠外甥孫虞起蛟頓首拜撰



琳 二 百 九 十 九 君 遺 像

○贊曰

賦性忠恕夙
擅茂良恤鄰
睦族樹德於
鄉嘉賓式燕
視履考祥以
道持已而樂
人善聞風者
莫不仰餘光

奉直大夫昌平州知州金以琳拜贈



